

La carta a los Hebreos

Ī Macuna suoriti ĩ oca cōayiju Dios, yire gaye

1 ¹Jane mejeju mani jacusabatiare ĩ oca goti ĩsiri masana suoriti coji meje oca cōayiju Dios. Jeyaro ĩ āmoro bajiro ĩ oca goti ĩsiri masana suoriti ĩ oca cōayiju Dios masare. ²Ito bero canu busati ĩ Macuna suoriti ĩ oca manire cōayiju Dios. Ũmacūjuga tuti, jacajuga tuti cuni meniyiju Dios. Ito yicōri ĩ Macuna suoriti jeyaro adi sita gaye rujeoyiju Dios. Jeyaro dise ruyabeto ĩ rucotoni cūyiju Dios ĩ Macure. ³Ũmacañi ĩ busuja ticōri, “Ito bajigu ñaguĭji ũmacañi”, yirāji mani. Iti bajiroti, Dios Macu ñasagure mani tija, “Ito bajiguti ñaguĭji Dios cuni”, yirāji mani. Ī Jacu robo bajiguti ñami Jesús. Ī oca buto masire gaye ña. Ito bajiri ĩ ocana suoriti adi macārucūro gaye jeyaro ña jedia ĩja. Īti mani ñeñaro yirise waja, waja yi ĩsiyiju. Ito bajiro ĩ yija bero, ũmacūju mūja wacōri Dios ya riojocaduja rucuboraju rujijiju ĩ.

Ángel mesa rētoro ñasagu ñami Dios Macu, yire gaye

⁴Dios rāca rotigu ñari, ángel mesa rētoro ñasagu ñami Dios Macu. Ángel mesa rēto busaro ĩ ñatoni ĩ Macure cūyiju Dios. Ito yicōri ĩna wame rēto busaro wame ñasarise ĩ Macure wōyiju Dios. ⁵Ito bajiri ĩ Macure riti ado bajiro gotiyiju Dios:

Yu Macu ña mu. Adi rumu masa ĩna tūoro riojo, “Āni yu Macu mūa Ūju ñami”, yigu yiguja yu, yiyiju Dios ĩ Macure.

Ángel mesareama, “Ito bajiro bajirā yirāji mūa”, yibisiju Dios. Ī Macure riti tūoĭagū mucana ado bajiro gotiyiju Dios:

Ī Jacu ñagū yiguja yu. Ito yicōri yu Macu ñagū yiguĭji ĩ, yi gotiyiju Dios, ĩ Macure tūoĭagū. Ángel mesareama ito bajiro yibisiju Dios.

⁶Ī Macu ñasagure ĩ cōara rumu ado bajiro busiyiju Dios mucana:

Ángel mesa ñarocōti mure rucubuo jedicoajaro, yi gotiyiju Dios.

⁷Ángel mesare tūoĭagū ado bajiro busiyiju Dios:

Ángel mesare yu rotija, ejori mino iti wēaro bajiro ejori yure cūdirā yirāji. Jea queno ũjurise bajiro sēo quenaro yure moa ĩsirā yirāji ĩna, yi gotiyiju Dios, ángel mesare tūoĭagū.

8¹ Macure busigu ado bajiro yiyiju Dios:

Dios ña mu. Masare rotitiñagũ yiguja mu. Ñnare mu rotija queno yigu ñari riojo rotigu yiguja mu.

9 Queno yire gayere riti queno wanua mu. Ññarisereama tuo te ña mu. Ito bajigu mu ñajare Uju ñasagu mre cña ya. Mu baba mesa rëtoro rucuburo mu ñaro ca ya. Ito yicõri buto mu wanuroca ya yu, yi gotiyiju Dios i Macure.

10 Gaje ado bajiro busiyiju Dios i Macure:

Yre bajiroti Uju ñasagu ña mu cuni. Cajerojuti adi sita ñarocõti rujeocu mu. Ito yicõri umacũju gãna jeyarore rujeocu.

11 Iti mu rujeore ñarocõti jedicoaro yiroja. Yutabuju iti bucuro bajiro, bajiro yiroja iti ñarocõti. Ito bajibojarocati muãma ñatiñacõgũ yiguja.

12 Yutabuju ruacõcõri gaje ña wasoaro bajiro iti jeyarore wasoagu yiguja mu. Muãma ñaro bajiguti ñagũ yiguja. Mureama godare gaye mano yiroja. Ito bajiri ñatiñacõgũ yiguja mu, yi gotiyiju Dios i Macure.

13¹ Macure riti ado bajiro gotiyiju Dios:

Ado yu ya riojocaduja rucuburoju rujiya. Mu wajanare mu roti masiroca yigu yiguja yu, yi gotiyiju Dios i Macure. Ángel mesareama ito bajiro yibisiju Dios.

14¹ Macu bajiro roti masirã meje ñama ña. Usire bajiro ruyumena ñama ángel mesa. Diore moa isiri masa ñama ña. I masoana mani ñajare jaje quenarise manire yigu yiguuji Dios. Ito bajiri manire ña ejabuatonni ángel mesare cõayiju Dios.

Ñasarise ña masare Dios i maso amorise, yire gaye

2 ¹Ito bajiri ángel mesa rëtoro ñasagu Dios Macu i ñaja, i gotirise buto busa mani tuorũnaja quena. Ire mani queno tuobeja, acabojarã yirãji mani. Ito yicõri Dios i rotiro bajiro cudibiticõri ire jidicãrã yirãji mani. ²Jane mejeju Dios i rotirise Moisés ñayorare gotiyijarã ángel mesa. Mani ñicusabatia ña cudiroti ñayiju Dios rotirise. I ocare cudibiticõri ñeñaro yirãreama ña tõbujaroca yiyiju Dios, i goticãdo bajiroti. ³Manire ti maicõri buto manire maso amoguuji Dios. Ito bajiri i oca ñasarisere mani tuorũnubeja, mani tõbujaroca yigu yiguuji Dios. “Ire tuorũnrãre masogũ yiguuji Dios”, yire oca cajerojuti goticãni mani Uju Jesucristo. Ire tuogoana, “Riti baja iti oca”, yirona manire goticã ña. Ito bajiri, “Riti baja iti oca”, yi tuoña mani cuni. ⁴“Riti baja iti oca”, mani yitoni, jaje tiyamani ñoyiju Dios manire. Espiritu Santona suoriti jaje quenarise mani yi masiroca yami Dios. I amorõ bajiro ricati riti ire mani moa isi masiroca yami Dios.

Dios rãa mani ñajare, “yu ocabajirã”, yami Jesús manire, yire gaye

⁵Ijariju bajiroti gaye muare busigu ya yu. Ijariju gayere ángel mesare rotibisiju Dios. Ado bajirojua yiyiju Dios. Ijariju masa ña rotirotire cũni Dios. ⁶Tite mua. Dios oca tutiju ado bajiro ucañi sigũ:

¿Dios, no yija gua ñasamena ñabojarocati, guare ãcabojabeati mu?

Ito yicõri, ¿no yija ñasamena gua ñabojarocati, guare tirũnuati mu? Ñasamena gua ñabojarocati guare buto tuoia mu.

7 Adi sita gua ñaroca ángel mesa bero gånajuare cüyija mu maji. Ito bajibojarocati ija rũcũbuore gaye ujaräre bajiro guare cügũ yigũja mu.

8 Jeyaro mu rujeore gaye, jeyaro mu rujeoanare cuni gua roti masiroca yigũ yigũja mu, yi ucañi sigũ Diore goti isiri masu.

Ito bajiri, “Yũ rujeore masa ña rotiroca yigũ yigũja yũ”, Dios i yija tuoõri, “Dise ruyabeto gua rotiroca yigũ yigũji Dios”, yi tuoia masia mani. Ito bajibojarocati jeyaro goroama manire cudi jedibea maji. 9 Jesure masia mani. “Ito bajiro bajini Jesús”, yi tuoia mani. Adi sita Jesús i ñaroca maji ángel mesa berõja ire cüni Dios. Manire ti maicõri i Macure goda isi rotiyijũ Dios. Manire yari tõbujacõri i goda isire ñajare, Uju ñasagũ ire cüni Dios. Ito yicõri masa jeyaro ire rũcũbuotoni i Macure cüni Dios.

10 Ito bajiro Dios i yija queno yini. I amoro bajiroti yini i. Jeyaro Dios i menire ña. Jeyaro i wanutoni ña iti i rujeore. Mani Dios ñarã i rãca mani roti ñare amõni Dios. Ito bajiri i tu mani eja masitoni i Macũ Jesucristore goda isi rotiyijũ Dios. Jesucristo ñami manire masori masu. Nĩmu gãji manire maso masigũ maquiji. Ito bajiri ña suoriti umacũju ejarã yirãji mani. 11 Dios Macũ ñami mani ñeñaro yirise waja, waja yi isiri masu. Dios ñarã mani ñaroca yigũ ñami Jesús. Ito bajiri Jesús rãca sigũ rãa ña mani. Dios rãa mani ñajare, “yũ ocabajirã”, yi bojobeami Jesucristo. 12 Ito bajiro yini Jesús Dios oca tutina. Ado bajiro bajia iti. Tuoiate mua:

Mũ ñarise gayere yũ ocabajiräre gotigũ yigũja yũ. Ña minijuaroca mure wanũgũ, mure basa sãa ñucagũ yigũja yũ, yini Jesús, Dios oca tutina

13 Gaje ado bajiro yini Jesús:

Yũ cuni Diore riti buto tuorũnucũja yũ, yini Jesús, Dios oca tutina.

Gaje ado bajiro yini Jesús:

I rãre yure isiqui Dios. Ito bajiri ado ña rãca ña yũ, yini Jesús, Dios oca tutina.

14 Dios ñarã ñari, sigũ ruyabeto ruju cutirã ña mani. Mani rãca ña amogũ, manire bajiroti ruju cutini Jesús cuni. Ito bajigũ ñari manire goda isiñi i. Ito bajiri rãmúa uju manire ruyurioborure ruyuriogu yigũji Jesús. 15 Ito bajiro Jesús i yijare, mani godaroti güire ma manire. Ito bajiri ire mani tuorũnuja, “Yũ ñeñaro yirise waja yũ tõbujaroca yigũ yigũji Dios”, yi tuoia güirã meje ña mani ija. 16 Riti bajia. Adi sita Jesús i wadija, ángel mesare ejabuarocu meje wadiñi i. Mani Abraham ñayoru bajiro Diore tuorũnũräre ejabuagu wadiñi i. 17 Ito bajiri mani i ocabajiräre ejabuarocu Dios i rotiro bajiroti yini Jesús. Manire bajiro ruju rujeacõri, manire goda isiñi Jesús. Ito bajiri manire ti maicõri manire yari Diore busi isisotiguji i. Masare yari paia mesa ña busirise rëtoro manire yari busi ejabuasotigũ yigũji Jesús. Mani ñeñaro yirisere Dios i acabojatoni, manire yari busi isisotiguji Jesús. 18 Mani robo ruju cuticõri tõbujani Jesús. Ire

cuni, ñeñaro ï yitoni ïre rotĩabojañi rãmúa ʘjũ Satanás. Ito bajiro ï yibojarocati ñeñaro yibisijũ Jesús. Ito bajiri mani tũbujaja manire ejabuagũji Jesús. Ito yicõri mani ñeñaro yitoni rãmúa manire ï roti ãmoja manire ejabuagũji Jesús.

Moisés ñayoru rêtoro ñasagu ñami Jesús, yire gaye

3 ¹Yũ ñarã, Jesucristore tuorũnũrã ñari Dios ñarã ña mani ïja. Ñarã mani ñatoni manire beseñi Dios. Ito bajiri Jesucristore riti mani tuorũnũja quena. Dios oca goti ucuroña ï cõarã rêtoro ñasagu ñami Jesucristo. Ito yicõri paia ʘjarã masare yiari Diore ñna bũsi ïsire rêtoro manire bũsi ïsigũ ñami Jesucristo. Ito bajiri Jesucristore riti tuorũnũrũja manire. ²Dios ï beseru ñari ï rotiado bajiroti yi ñañi Jesús. Dios ñarãre queno ejabuãñi ï. Moisés ñayoru cuni Dios ï rotiado bajiroti yiyijũ. Dios ñarãre queno ejabuayijũ ï. ³Ito bajibojarocati Moisés ñayorũre rêtõ bũsaro Jesure mani rũcũbuõja quena. Ado bajiro bajia. Sĩgũ ï wi menija, ï menira wi rêtoro ïre rũcũbuorã yirãji mani. Ito bajiri Moisés ñayorũre rêtõ bũsaro Jesús manire rujeorũre rũcũbuõja quena. ⁴Wigoti iti ñaja, sĩgũ iti wire meniru ñaguũji. Dios sĩgũti ñaguũji jeyarore rujeori masu. ⁵Diore queno cũdigũ ñayijũ Moisés ñayoru. Diore moa ïsigũ, Dios ñarãre queno ejabuayijũ Moisés ñayoru. Moisés ñayorũre tuocõri, “Ito bajiro yigũ yiguũji Dios”, yi tũõiyijarã masa. Diore moa ïsiri masu ñayijũ Moisés ñayoru. ⁶Cristoama Diore moa ïsiri masure bajiro meje bajĩni ï. Ñami Dios Macu, queno ïre cudigũ. Ito bajicõri Dios ñarã ʘjũ ñami Jesucristo. “Tũdi ejagu yiguũji Cristo”, yi mani tũõia wanũja, ïre tuorũnũcõri mani ïre jidicãbeja, Dios ñarã, ñarã yirãji mani ïja.

Yure mũa tuorũnũbeja quenari cutoju ware ma mũare, Israel sita gãnare Dios ï yire gaye

⁷Ito bajiri Jesucristore jidicãbitirũja manire. Ito yicõri Espĩritu Santo ï gotirere tuorũnũrũja manire. Ado bajiro gotiami ï, Dios oca tutina:

Adocãta mũare Dios ï bũsija, ï yiro bajiroti cũdija quena.

⁸Mũa ñicũsabatia ñna ya usijũ Diore junisinicõri, ñna cũdibitiado bajiro bajibeja. Yucu manojũ ñarã, “Mani ñeñaro yija, ¿no bajiro yigũ yiguũjida Dios manire?” yi tũõia ñayijarã ñna.

⁹Mũa ñicũsabatiaare jũarã masacõ rodori jaje quenarise yicu yũ. Ito yũ yibojarocati, “Mani ñeñaro yija, ¿no bajiro yigũ yiguũjida Dios manire?” yi tũõiañi ñna.

¹⁰Ito bajiri ñnare junisinicu yũ. Ado bajiro yicu yũ ñnare. “Mũa ya usijũ yure bajiro tũõabitisotia mũa. Ito yicõri yũ rotiro bajiro cũdi ãmobeja mũa”, yicu yũ ñnare.

¹¹Ito bajiri ñnare junisinigũ ado bajiro yicu yũ: “Quenari cutoju yũ mũare ïsi ãmobjacatoju juaji ejare ma mũare. Yũ rãca tujacãre mano yiroja mũare”, yiari goticu yũ ñnare, yure ñna tũobejare, yi gotiami Espĩritu Santo, Dios oca tutina.

¹²Queno tŕoĩaña yŕ ñarã mŕa. Ña bajiro ñeñaro mŕa yibe yirona, queno tŕoĩaña. Mŕa ya ũsijŕ queno tŕoĩaña mŕa. Mŕa ya ũsijŕ ñeñaro tŕoĩaja, Dios ñatiñagŕe jidicãrã yirãji mŕa. Ito yicõri ãre tŕorũnumenaji mŕa. ¹³Ado bajirojŕa mani yija quena. Dios oca mani gãmeri gotija, corocõ oca s̄orãji mani ãja. Co rumŕ rŕyabeto ito bajiro riti yitĩnarŕja manire. Dios gayere mani busija, mani ñeñaro yitoni rŕmŕ ũ rotibojaja, ãre tŕorũnumenaji mani. Ito yicõri, “Yŕ ãmoro yicŕja yŕ. Diore cŕdibicŕja yŕ”, yimenaji mani. Dios oca mani gãmeri busija, oca s̄ocõri corocõ wanŕrã yirãji mani. ¹⁴Cajerojŕ Jesucristore mani tŕorũncato bajiroti, mani godaroto riojŕa ãre tŕorũntĩnarŕja manire. Ito bajiro mani yija ũmacŕjŕ Cristo rãca wanŕ quenarã yirãji mani.

¹⁵Tite mŕa. Ado bajiro gotia Dios oca:

Adocãta mŕare Dios ã busija, ã yiro bajiroti cŕdija quena. Mŕa ñicŕsabatia ãna ya ũsijŕ Diore junisinicõri, ãna cŕdibitiado bajiro bajibeja, yì gotia Dios oca.

¹⁶Mŕa tija, ¿noa ñayijari Dios oca tŕoana ñabojarãti ãna ãmoro bajiro yì ãmorã Diore cŕdibitiana? Ña ñayijarã Egipto sitajŕ ñarãre Moiss̄ ã tŕa wana. ¹⁷Diore cŕdi ãmobiticõri ñeñarise riti yiyijarã ãna. Ito bajiro ãna yijare jŕarã masacõ rodori ãnare junisinijŕŕ Dios. Ito bajiri yucŕ manojŕ ãna ña ucuroca yiyijŕ Dios. Itojŕ ña ucurã riti goda jedicoayijarã ãna.

¹⁸Ñre ãna cŕdibejare, ado bajiro yiyijŕ Dios. “Quenari cŕtojŕ mŕare yŕ ãsi ãmobjacatojŕ jŕaji ejare ma mŕare. Yŕ rãca tujacãre mano yiroja mŕare”, yiyijŕ Dios mani ñicŕsabatia. ¹⁹Itire tŕocõri, “Diore ãna tŕorũnŕbitire waja, quenari cŕto ãnare ã cŕ ãmobjara cŕto ejabisì ãna”, yì tŕoĩa mani.

4 ¹“Mŕa tujacãroto mŕare meni ãsicŕ yŕ”, mani ñicŕsabatia Dios ã yiado bajiroti yami Dios adi rumŕri cŕni. Adi rumŕri manire cŕni tujacãre ñaroja. Ito bajiri itojŕ mani ejaroto riojŕa queno tŕoĩarŕja manire, mani eja jeditoni. Mŕa coriarã ãre queno tŕorũnŕbiticõri queno ejamenaji. ²“Ñre tŕorũnŕrãre riti masogũ yiguĩji Dios”, yire oca tŕogoana ña mani. Mani tujaroto mani eja ãmoja, ãre queno tŕorũnŕrãji mani. Itire tŕogoana ñayijarã mani ñicŕsabatia cŕni. Itire tŕogoana ñabojarãti queno tŕorũnŕbisjarã ãna. Ito bajiri Dios ã tujã rotiadojŕ ejabisjarã ãna. ³Ñre tŕorũnŕrã riti, Dios ã tujacã rotiadojŕ ejarã yirãji mani. Ado bajiro gotiñi Dios mani ñicŕsabatia tŕoĩa yugŕ:

Yŕre ãna tŕorũnŕbejare ãnare junisinicŕ yŕ. “Ñnare yŕ tujacãrotirajau ejamena yirãji ãna”, yì goticã yŕ, yini Dios, mani ñicŕsabatia tŕoĩa yugŕ. Adi macãrŕcũro meni wacŕ, cojŕ tujacãrajŕ meniñi Dios. Ito ã yija bero mŕcana tŕdi gaje rujeobisijŕ Dios ãja. Tujacãrajŕ ã menicãre ñabojarocati, ãnare sãja rotibisijŕ ã, ãre ãna tŕorũnŕbejare. ⁴Dios oca ado bajiro gotia, jŕa ãmojeno ñari rumŕrã gaye:

Co ãmojeno ñari rumŕrã moacõri, jŕa ãmojeno ñari rumŕna tujacãyijŕ Dios, yì gotia Dios oca.

⁵Mŕcana gaje ado bajiro gotia Dios oca:

Yŕ rãca tujacãdojŕ tujacãmenaji ãna, yini Dios, mani ñicŕsabatia tŕoĩagũ.

6 “Íre tuorũnurãre riti masogũ yiguĩji Dios”, yire oca tuosũogooana ñabojarãti íre tuorũnũbiticõri tujacãdoju ejabisijarã mani ñicusabatia. Diore tuorũnurã riti ejarã yirãji. Tujacãdoju ejarona eja jedibeama maji. 7 Ito bajiri adocãta íre tuorũnurãre ãmagũ yiguĩji Dios maji. Adocãta mani íre tuorũnũja, iti ña ñasarise. Yoari mani ñicusabatia ñna cãdibitija bero, Diore tuocõri ucañi David ñayoru. Jĩju yu muare gotigoriseti, David ñayoru í ucare mucana muare gotia yu:

Adocãta muare Dios í busija, í yiro bajiroti cãdija quena. Mũa ñicusabatia ñna ya usiju Diore junisinicõri, ñna cãdibitiado bajiro bajibeja, yi ucañi David ñayoru.

8 Mani ñicusabatia rĩa masa ñayoanare tujacãraju tũa wayiju Josuẽ ñayoru. Ito bajiri tujacãre gaye Dios í busija, Josuẽ ñayoru mani ñicusabatia rĩare í tujacãre ãmi ejare gaye meje busiguĩji í. Ito bajiro iti bajijama, “Jane adi rumũ yu tũju tujacãrã ejarã ya mũa”, yibitiboru Dios. 9 Ito bajiri Diore mani tuorũnũja, í ñarã ñacõri, í tũju ñaroja mani tujacãrotiju. 10 No Diore tuorũnurãti adi macãrucũrore meni tĩo wacũ í tujacãdo bajiroti í rãca tujacãrã yirãji ñna cũni. 11 Ito bajiri bũto busa oca seocõri Diore tuorũnũruja manire, tujacãdo mani eja masitoni. Mani ñicusabatiare bajiro Diore cãdimena robo bajiro bajimenaji mani.

12 Sẽorise ña Dios oca. Ito yicõri adi rumũri mani tuoroti ña Dios oca. Sarera jãi jua duja odiri jãi robo bajiro bajaia Dios oca. Ito bajicõri, “Mani ya usiju quedi sãjaroja Dios oca mani tuorũnũja. Jeyaro mani ya usiju mani tũoĩarisere masiguĩji Dios. Mani yeyoro mani tũoĩarisere cũni masiguĩji Dios. ‘Jãa ito bajiro yicũja yu’, mani yirise cũni masi jeoguĩji Dios. Dios ocare mani tuorũnũja, ‘Ito bajiro bajaia yu’ ”, yi tũoĩa mani. 13 Disejua Dios í rujeore yeyo masiña ma. Dise í ti masibiti ruyabetoja Diore. Ñe mani yigore í masibiti ma. Ito yicõri ñe mani tũoĩagore í masibiti ma. Ito bajiri jeyaro masiguĩji í. Dios í tiro riojo, “Adocõ jaje ñeñarise yicu yu”, yi goti rẽtobu jedirã yirãji mani.

Paia uju rẽtoro ñasagu ñami Jesús, yire gaye

14 Paia uju rẽtoro ñasagu ñami Jesús, Dios Macũ. Ũmacũju Dios tu ñaguĩji í, manire yiari íre busi ísisotigu. Ito bajiri, “Diore tuorũnũgũ ña yu”, mani yija, bũto busa íre mani tuorũnũja quena. Íre jidicãbitirũja manire. 15 Í ñami paia uju rẽtoro manire ejabũa masigũ. Mani tũbũjaja, manire ti maiguĩji í. Mani ñeñaro yija, “Yũre queno masibeama. Ito bajiri ñeñaro yama maji”, yi tũoĩacõri, manire ti maiguĩji Jesús. Mani ñeñaro yitoni, rũmũ usirioro í yi codero bajiro, Jesucristore cũni ito bajiroti yibojayiju. Ito bajibojarocati ñeñarise yibisiju Cristo. Ito bajiri manire rũmũ usirioro yija, manire ejabũa masiguĩji Cristo. 16 Ito bajiri Diore mani busija, gũire mano busirãji mani. Manire bũto ti maiguĩji Dios. Ito bajiri mani íre busija, manire ti maiguĩji í. No mani ejabũare ãmoriju manire queno ejabũagu yiguĩji Dios.

5 1 Masare yiari paia uju Diore í busi ísiado bajiro manire busi ejabũarocũ Cristore cũni Dios. “Riti bajaia iti”, mũa yi tũoĩatoni adi mũare gotia yu. Mani ñicusabatia ñayoana ñna rãca gagũ sigũre besecõri, “Mũ ñagũ yigũja

pai guare busi isiri masu”, yi cūñi ña ire. Ì ya moare ado bajiro bajiyju. Masa Diore ña isiroti boca ãmicōri, itire Diore soe isiyju ñ, masa ña ñeñaro yire waja, waja yi isirocu. ²Pai mani robo bajigu ñari, Dios ñ rotirise ñarocōti cudi jeo masibiquiji ñ cūni. Ito bajiri queno tuoiamenati ñeñaro masa ña yija, ñnare junisinibiquiji ñ. Quenoti ñnare goti quenogū yiguñji ñ. ³Ito bajiri Diore masa ña isiroti soe isi wacu, “Masa ña ñeñaro yirise ñnare ãcabojoya”, yiguñji ñ Diore. Ito bajiroti yigu yiguñji ñ cūni, ñeñaro ñ yirise waja.

⁴No paia ujū ña ãmobjagū ñmasiti ña masibiquiji ñ. Dios sigūti ñami, sigūre ti besecōri, “Mū ñama paia ujū”, ñre yigu. Ito bajiroti Aarōn ñayorure cūñi Dios. ⁵Ito bajiroti bajiyju Cristore cūni. ñmasiti, “Paia ujū rētoro ñasagū ñacuja yū”, yibisijū ñ. Dioti ñre cūyijū, ito bajigu ñ ñatoní. Ado bajiro ñre gotiyju Dios:

Yū Macu ña mū. Adi rāmū masa ña tūoro riojo, “Āni yū Macu mūa ujū ñami”, yigu yigūja yū, yiyju Dios ñ Macu Cristore.

⁶Ì oca tutina gaje ado bajiro gotiñi Dios ñ Macure:

Masare yiari mū busi isitoni mure cūa yū. Paia ujū Melquisedec ñayorure bajiro ñasagū mure cūa yū, yiyju Dios ñ Macure.

⁷Adi macārūcūro Jesús ñ ñaroca ñre ña siaroti ñami riojūa Diore busigu josayju. Yago rāca oca sēoro busiyju ñ Jacure. “Cūna, goda wacu ya yū. Yū catire mū ãmoja, camota masigūja mū. Ito bajibojarocati mū ãmoro bajiro bajiatōja”, yiyju Jesús ñ Jacure. “Mure cudi ãmoa yū”, Jesucristo ñ yijare tuoijūa Dios. ⁸Dios Macu ñabojaguti tōbujayju Cristo. Tōbujā wacu jeyaro Dios ñ rotiado bajiroti yiyju Cristo. ñ Jacure queno cudigu ñari, manire yiari tōbujā isiyju Cristo. ⁹Ì Jacu ñre rotiado bajiroti manire yiari goda isiyju Cristo. ñmū gāji manire goda isigū maquñji. Ito bajiri ñre mani tūorūñjā ticōri, manire masogū yiguñji ñ. Ito yicōri mani catitīñaroca yigu yiguñji ñ. ¹⁰Paia ujū ñasagū Melquisedec ñayorū ñ ñado bajiro ñ Macu Jesucristore cūyijū Dios. Ito bajiri manire maso masiguñji Cristo.

Jesucristore masirā ñabojarāti ñre mani jidicāja guijo ña, yire gaye

¹¹Iti oca gotiroti jaje ruyā maji. Ito bajibojarocati iti ocare tuo masi ãmobeā mūa. Ito bajiri josari ña iti mūare gua goti rēto ãmobjaja. ¹²Yoari Cristore mūa tūorūñjā bero ñ oca riasori masa ñaboyija mūa. Ito bajibojarocati Dios oca josari meje busa gayere mūcana tūdi mūare goti rētoburyā gua. Waibūcu ri ba masi wana ñabojarāti, mūcana tūdi ũjurāre bajiro bajirā ña mūa. Macuacā ũjugūre bajiro waibūcu ri ñ ba masibeto bajiro Dios oca josari ñarisere tuo rēto bu masibeā mūa. ¹³Ōjegōa idirā, macuacā ũjugūre bajiro bajirā ña mūa. Dios ocare queno masirā meje ña mūa. Ì oca masibiticōri Dios ñ ãmoro bajiro queno yire gayere masibeā mūa. ¹⁴Bare jeyaro buti quenarise ña būcūrā bare. ña ñama queno sēo quenarā. Ito bajiroti bajiamā Dios oca queno tuo masirā cūni. Dios oca queno masicōri, “Iti ña ñeñarise, iti ña quenarise”, yi ti beserā yirāji ña.

6 ¹Būcūrāre bajiro Cristore mani queno masi ãmoja, ñ oca josari ñarisere mani riasotija quena. Josabiti gayere riasoticācu mani. “Ñeñarise jidicācōri, quenarise tuoñarūja manire”, yire gaye riasoticācu mani. “Queno yibojarāti Diore

mani tuorũnubeja jeame ũjuroju warã yirãji mani”, yire gaye riasoticãcu mani. ²Idé gure gaye cuni riasoticãcu mani. Gãjerã Diore masirãre yiari Diore busirã wana ñnare ãmo moa jeore gaye riasoticãcu mani. “Godabojarãti mucana tudi catirã yirãji mani”, yire gaye riasoticãcu mani. “Ñeñaro yirã ñna ñeñaro yirisere waja, tũbujatĩnarã yirãji ñna”, yire gayere riasoticãcu mani. ³Dios ï ejabuarisena, josari gayere riasoti ũmatũarã yirãji mani.

⁴Dios oca tuogoana ñna mani, ito yicõri Jesucristo ũmacũju wadirũre boca ãmiana ñna mani. Espĩritu Santo ï queo sãna ñna mani ïja. Ito bajiri Dios oca mani riasoti ũmatũabeja ãcabojarã yirãji mani. ï ocare ãcabojacõri tudi ñeñaro yirãji mani. Ito bajiri mucana tudi ïre tuorũnũ ãmomenaji mani. ⁵Dios oca quenarise tuogoana ñna mani. Tiyamani Dios gayere tigoana ñna mani. “Adi sita tudi e jagũ yiguĩji Jesús”, yi tuoĩarã ñna mani. ⁶Iti jeyarore masi jedirã ñabojarãti, Jesucristore mani jidicãja, tudi mani ñeñaro yirisere jidicã masimenaji mani. Dios Macure tuorũnũbojarãti mani jidicãja mucana tudi yucũtũojũ ïre jajurãre bajiro ya mani. Ito yicõri masa tiro riojo ïre aja tudirãre bajiro ya mani. ⁷Ado bajiro bajira sitare tuoĩate mua. Sita joe ide iti quedija, sitajũare ide sãjaroja. Iti sita ote queno judi, iti rica cutija ticõri, “Quenari sita ñna adi sita”, yirã yirãji ñna iti sita moari masa. “Queno yĩni Dios iti sitare”, yirã yirãji ñna. Ito bajiroti Diore jidicãmenare cuni queno yigũ yiguĩji ï ñnare. ⁸Iti sita jota, ito yicõri ta widirise jeyaro iti judija, ñe waja ma iti wese. Ito bajiri sita iti ũjarã itire soecõrã yirãji ñna. “Adi sitare queno yibisĩ Dios”, yirã yirãji ñna. Ito bajiroti ïre jidicãrãre jeame ũjuroju cõagũ yiguĩji Dios.

“Yũre masogũ yiguĩji Cristo”, mani yi tuoĩaja oca sũoa mani, yire gaye

⁹Yũ mairã, “Mua ñna Jesucristore jidicãrã”, yirocu meje muare itire busia yũ. “Mua ñna Jesucristo ï masoana”, ya yũ muare. Mua ñna Dios ï ãmoro bajiro yirã. Ito bajiri, “Queno yami Dios muare”, yi tuoĩa yũ. ¹⁰Riojo yigũ ñnami Dios, ito bajiri mua queno yigorere ãcabojabicũ yiguĩji ï. Gãjerã Jesure tuorũnũrãre ti maicõri, ñnare mua ejabũagorisere ãcabojabicũ yiguĩji ï. Ñaro bajiroti gãjerãre ejabuarãji mua maji. Ito bajiro mua yirisere ãcabojabicũ yiguĩji Dios. ¹¹Mua sigũ ruyabeto wanũ oca sũocõri Diore mua cuditĩnãre ãmoa gũ. Mua catirocõ mua ito bajiro yi ñaja, mua bocatirisere ñarocõti boca ãmirã yirãji mua. ¹²Jesure mua tuorũnũ jidicãre ãmobeã gũ. Ito yicõri Dios oca tutire mua jidicãre ãmobeã gũ. Yoari Jesucristo ï tudi ejaroti bocaticõri, ïre jidicãbisĩ coriarã. Ito bajiri ñnare bajiro mua bajire ãmoã gũ. Ñnare bajiro mua yija, Dios ï goticãdo bajiro ñarocõti boca ãmirãji mua.

¹³⁻¹⁴Abraham ñayorũre tuoĩate mua. Ado bajiro ïre goti yucãyijũ Dios: “Riti queno mure yisacõgũ yigũja yũ. Jãjarã mu janerãbatia cutiroca yigũ yigũja yũ. ‘Ito bajiroti yicũja yũ’, yirocu yũ wamena ya yũ”, yiyijũ Dios Abraham ñayorũre. ï wamenati yiyijũ Dios. Gãji wamena meje ito bajiro yiyijũ Dios Abrahamre. Ñimũja gãji Diore rãtocũgũ maquĩji. Ito bajiri ï wamenati yiyijũ Dios. ¹⁵“Ï yiro robo bajiro yigũ yiguĩji Dios”, yirocu usirioro meje yuyijũ Abraham ñayorũ.

Ito bajiri Dios ĩ goticãdo bajiroti rētayijũ Abrahamre. ¹⁶“Ado bajiro yicũja yũ”, ĩna yija, Dios wamena yama coriarã masa. ĩ wamena yama ĩna, masa rētoro ñasagũ ĩ ñajare. “Riti mũare Dios wamena gotia yũ”, ĩna yija, nojũa gãjerã, “Bũrãti yama”, yi masimenaji. ¹⁷Ito bajiroti mani ñicusabatiare, “Ito bajiro yicũja yũ”, ĩ yire ñajare, yisacõyijũ Dios. “Riti manire ĩ goticãdo bajiro ĩsigũ yigũiji Dios. ĩ goticãdo bajiroti gajero bajiro wasoabicũ yigũiji ĩ”, ĩna yi masitoni, ĩnare yisacõyijũ Dios. “Mũare socabea yũ. Riojo yũ wamena mũare gotia yũ”, yiyijũ Dios mani ñicusabatiare. ¹⁸“Riti mũare queno yisagũ yigũja yũ”, yiyijũ Dios. Gaje ado bajiro yiyijũ Dios: “Ito bajiroti yicũja yũ, yirocũ yũ wamena ya yũ”, yiyijũ Dios. Jũaji Dios ĩ yijare, gajero bajirojũa wasoabicũ yigũiji ĩ. Ito bajiri, “Ado bajiro yicũja yũ”, ĩ yicãre ñajare manire masogũ yigũiji ĩ. Ito yicõri, “Ī rãca catitĩnarã yirãji mani”, yi tũoĩa mani. ĩ goticãre mani tũorũnũja wanũ oca sēorã yirãji mani. ¹⁹Dios ĩ goticãre ñarocõti tũorũnũrũja manire. “Mũare masogũ yigũja yũ”, yiĩni Dios manire. “Ī rãca catitĩnãgũ yigũja yũ”, yi mani tũo masija, mani ya usi giũbeto yiroja manire. Ito yicõri oca sēorã yirãji mani. Jane mejejũ masare yiarĩ Diore senirona Dios ñari wi yobiado wajajũa Dios ñari sõa wasotiyijarã paia mesa. ²⁰Ito bajiro yiĩni Jesús cũni. Ũmacũjũ mũjacõri manire yiarĩ Diore bũsiĩni ĩ. Ito bajiri, “Manire masogũ yigũiji Dios”, yi tũoĩa mani. Paia mũjũ Melquisedec ñayorũ ĩ ñasado bajiro ñasagũ ñatĩnãgũ yigũiji Jesús. Manire yiarĩ Diore bũsi ĩsitĩnãgũ yigũiji Jesús. Ito bajiro ĩ bũsi ĩsitĩnatoni cũĩni Dios ĩre.

Paia mũjũ Melquisedec bajiro bajigũti ñami Jesús cũni, yire gaye

7 ¹Ī Melquisedec, Salem cũto gagũ mũjũ ñayijũ. Ito yicõri Dios ũmacũjũ gagure moa ĩsiri masũ ñayijũ ĩ pai. Abraham ñayorũ gaje cũtori gãna mũjarãre rētocũcõri, tũdi wayijũ ĩ ya cũtojuare. Ito bajiri ĩ tũdi waroca ĩre boca wayijũ Melquisedec. ĩre bocacõri ĩre yiarĩ Diore bũsigũ, “Dios queno yijaro mũre”, yiyijũ Melquisedec Abrahamre. ²Gãjerã mũjarãre rētocũcõri, ĩ bũjare gayere cõĩacõri Dios ĩ rotiado bajiroti Melquisedecre jabeto ĩsiyijũ Abraham. “Mũjũ queno yigũ”, yireoni ña iti Melquisedec yire. Salem cũto gagũ mũjũ ñayijũ Melquisedec. Ñe oca mani cũto, yireoni ñayijũ Salem yireoni. Ñe oca mana mũjũ ñayijũ Melquisedec. ³Melquisedec jacũsabatia wame, ĩ ñarã wame cũni ucare ma Dios oca tutijũ. Ito yicõri ĩ rujeare, ĩ godare cũni ucare goabea. “Ī godaja bero masare yiarĩ Diore bũsi jidicãyijũ”, yire ma. Melquisedecre mani tũoĩaja, “Masare yiarĩ Diore ĩ bũsi ĩsiado bajiro masare yiarĩ Diore bũsi ĩsitĩnãgũ yigũiji Cristo cũni”, yi tũoĩa mani.

⁴Mani ñicũ Abraham ñayorũ rētoro ñasagũ ñayijũ Melquisedec. Tũoĩate mũa. Gaje cũto gãna mũjarãre rētocũcõri, ĩ bũjarere cõĩacõri jabeto ĩsiyijũ Abraham Melquisedecre. ⁵Ito bajiroti Abraham janerãbatia judio masa jeyaro ĩna rũcorisere cõĩacõri jabeto ĩsiyijarã paiare. Levĩ wame cutigu janerãbatia ñayijarã ĩna paia mesa. ĩna ñarã judio masare jeyaro ĩna rũcorisere cõĩacõri jabeto ãmĩyijarã ĩna, Moĩsĩs ĩ rotiado bajiroti. ĩna ñarã ñabojarocati ito bajiro yiyijarã ĩna, Moĩsĩs ĩ rotijare. ⁶Levĩ janami meje ñabojaguti, Abraham bũjarere jabeto seniyijũ ĩ

Melquisedec. Itire boca āmicōri ĩre yiari Diore busiyju Melquisedec. Abraham ñayiju, “Queno mure yigu yiguja yu”, Dios ĩ yiru. Ñasagu ñayiju Abraham ñayoru. ⁷“Dios mure queno yijaro”, yi ecoru rētoro ñami, “Dios mure queno yijaro”, yiru. Melquisedec ĩ, “Queno Dios mure yijaro”, yi ecoru ñayiju Abraham. Ito bajiri, “Abraham rētoro ñasagu ñayiju Melquisedec”, yi tuoia mani. ⁸Mani wato ñarā paia gājerā rucorisere cōiacōri jabeto āmirā, manire bajiroti godarāji ĩna cūni. Melquisedecreama Dios oca tuti iti gotija, “Itocō godaņi Melquisedec”, yire oca ma. Ito bajiri godabicu robo bajiro bajiguĭji ĩ. ⁹⁻¹⁰Melquisedecre jabeto ĩsiroca ĩ janerābatia ñarona ĩna rujeabitibojarocati ĩ ya rujuju ñayijarā ĩna maji Abrahamre. Abraham janami Leví wame cutigu janerābatia ñayijarā, masa ĩna rucorisere cōiacōri jabeto āmirā. Abraham ya rujuju ñacōri Melquisedecre Abraham ĩ waja yija, ĩna cūni waja yirāre bajiro yiyijarā, Abraham ya ruju ñacōri. Ito bajiri, “ĩna ñarocō rēto busaro ñasagu ñaņi Melquisedec”, yi tuoia mani.

¹¹Leví janerābatiana suoriti ĩ rotirise cūyiju Dios, judio masare. Leví janerābatiare paia ĩna ñaroca yiņi Dios. Sigū Leví janami ñayiju pai ñasagu, Aarón wame cutigu. Aarón ĩ janerābatia rāca masa ĩna Diore ĩsiroti boca āmiyijarā ĩna. Boca āmicōri Diore soe ĩsiyijarā ĩna, masa ĩna ñeņaro yirise waja yirā. Ito bajiro ĩna yibojarocati, “Seti ma mware. Queno yirā ña mwa”, yibisiju Dios ĩnare. Ito bajiri Melquisedec ñasagure bajiro bajigure cōayiju Dios, masare ĩ goda ĩsitoni. Aarón mesa walbucurāre soe ĩsicōri, masa ĩna ñeņaro yirise waja, waja yi jeocōajama gāji masare busi ĩsiroca cōabitiboru Dios. ¹²Masare busi ĩsiroca Jesure Dios ĩ cōaja bero mucana tūdi paia mesare masare yiari busi ĩsi rotibisiju Dios. Ito yicōri bucū oca jidicācōri ĩ oca mame wasoa rotiyiju Dios paia mesare. ¹³Mani Uju Jesucristore cūņi Dios, paia uju ñasagu ĩ ñatoni. Ito bajiri ĩ ñami manire yiari Diore busi ĩsigū. Leví janerābatia janami meje ñayiju Cristo. Judá janerābatia janami ñayiju Cristo. Judá janerābatia Cristo riojuā sigū pai maņiju. ¹⁴Mani Uju Jesucristo, Judá janerābatia janami ñayiju ĩ. Leví janerābatiare paia cū wacu Judá janerābatiareama ito bajiro yibisiju Moisés ñayoru. Itire queno tuo masia mani.

¹⁵Itire tuocōri, “Bucu oca jidicācōri oca mame wasoacōņi Dios”, yi tuoia mani. Paia uju Melquisedec ñasagu ĩ ñado bajiro manire yiari busi ĩsigūre cūņi Dios. ¹⁶Leví janerābatiare riti, “Paia ñarā yirāji ĩna”, yi rotiyiju Moisés. Ito bajiri Moisés ĩ rotirena meje paia uju Cristo ĩ ñaroca yiņi Dios. Tūdi ĩ catija ticōri, ĩ Macure cūņi Dios manire yiari ĩ busi ĩsitoni. Buto masigū ñari juaji godabicu yiguĭji Cristo. ¹⁷Ado bajiro gotiyiju Dios ĩ Macure:

Masare mu busi ĩsitĭñatoni mure cūa yu. Paia uju Melquisedec ñasagu ĩ ñado bajiro ñatĭñagū yiguja mu, yiyiju Dios ĩ Macure.

¹⁸Bucu oca iti rotiro bajiro queno cūdi jeo masibisijarā mani ñicūsabatia. Ito bajiri ĩnare seti ñayiju maji. Ito bajija ticōri, “Bucu oca quenabea. Ñe waja ma iti”, yi tuoia wacu itire jidicāyiju Dios. ¹⁹Bucu oca ĩna cūdi jeoja ticōri, “ĩnare seti ña maji”, yiyiju Dios. Ito bajiri bucū oca jidicācōri, mame oca cūyiju Dios ĩja. Ado bajiro yiyiju Dios. ĩ Macu Cristore cōayiju, mani ñeņaro yirisere ĩ waja yi ĩsitoni. Ito bajiri Cristore mani tuorūņuja ticōri,

“Ñe seti ma mware”, yigü yiguĩji Dios i tu mani ejari rumu. Iti mame oca tucõri, “Bucu oca ñasore rëtoro quena mame oca”, yi tuoia mani.

²⁰ “Yu Macure cúa yu, masare yiari i busi isitĩnatoní. Riti ya yu”, yi goticãiyju Dios. ²¹ Cristore Dios i curoto riojua, gãjerã paiare i cija, “Ñasagu ñaire cúa yu”, yibisiju Dios. I Macureama paia çju cü wacu, “Riti, ñi ñasagure cúa yu”, yiyiju Dios. I Macure ado bajiro gotiyiju Dios i oca tutina:

Yu ña Dios mu Uju. “Ado bajiro yigü yigüja yu”, yicõri yu tuoiarise tuo riawusobicuja yu. Masare yiari mu busi isitĩnatoní mure cúa yu. Paia çju Melquisedec ñasagu i ñado bajiro ñatĩnagü yigüja mu cuni, yiñi Dios i Macure, yi gotia Dios oca tutiju.


²² Iti mani tuoja, “Riti manire masogü yiguĩji Jesucristo. Bucu oca rëtoro quenarise ña iti mame oca”, yi tuoia mani. ²³ Bucu oca iti ñaroca jãjarã paia ñayjarã. Ña godaja gãjerã ñare wasoarona ñayjarã. ²⁴ Ito bajiro ña godabojarocati, Jesuama godagu meje ñami. Ñimajua gãji Jesure wasoarocu maquiji. ²⁵ Catitĩnagü ñari manire yiari Diore busi isitĩnagü yiguĩji i. “Mu Macu yure goda isini. Ito bajiri ña suoriti mu yagu ña ñmoa yu”, Diore mani yija, manire masogü yiguĩji Cristo. Manire i masoja bero i rãca catitĩnarã yirãji mani.

²⁶ Jesucristo ruyabojãni maji, manire busi isirocu. Manire yiari Diore i busi isibeja, Dios tu ejamenaji mani. Dios i ñajare, ñenarise ma ire. Ñenaro yigü meje ñayiju i. Ñe seti macu ñayiju i. Masa ñenaro yirãre bajiro meje bajigu ñami i. Umacuju gãna rëtoro ñasagu i ñaroca yiyiju Dios Jesure. ²⁷ Gãjerã paia çjure bajiro bajigu meje ñaguĩji i. Co rumu ruyabeto waibucurãre siayjarã ña, Diore soe isirona. Ito bajiro yicõri, “Gua ñenaro yirisere açabojoya. Ito yicõri masa ña ñenaro yirisere cuni açabojoya”, yiyijarã ña. Coji meje ito bajiro yiyijarã ña. Jesuama cojiti godaãni, masa ña ñenaro yirise waja, waja yi isigü. Mucana tudi waja yibicu yiguĩji i, i ya rina i waja yi tiocãre ñajare. ²⁸ Moisés ñayoru i rotirena suoriti manire bajirãreti paia çjarã ña rotiyijarã ña. Bucu oca jidicãcõri mame oca cüyiju Dios. “Riti ado bajiro yicuja yu”, yirocu mame oca cüyiju Dios. “Yu Macu ñenaro yibicure cúa yu, masare yiari i busi isitoni”, yiyiju Dios i oca tutina.

Mame oca goticõri manire busi isiri masu ñami Jesús, yire gaye

8 ¹ Yu gotisurise ado bajiro baja ñasarise. Sigü ñami manire yiari Diore busi isigü. I ñami ñasagu. Umacuju Dios ya riojocaduja rucuboraju rujiguĩji i. ² Dios ya wi ñasari wi ñacõri manire yiari busi isigü yiguĩji i. Masa ña menira wi meje ñaroja iti wi. Dios i menira wi ñaroja iti wi.

³ Masa ña ñenaro yirise waja, waja yirona Diore waibucurã soe isiri masa ñama paia çjarã. Ito bajiro ña yitoni ñare curã yirãji masa. Manire yiari ito bajiro yiñi mani Uju Jesucristo cuni. Mani ñenaro yirise waja, waja yirocu manire goda isini i. Ito bajiro yicõri Diore busi wacu i ya ruju isigüre bajiro yiñi i. ⁴ Adi tuti ñarã paia, Moisés ñayoru i rotiado bajiro soe isiamajaji. Ito bajiri Cristo adi sita i ñajama ñare bajiro yibitiboguĩji. Adocãta manire yiari umacuju Diore



(Hebreos 8.5)

bəsi isigū yigūjī ī. ⁵ Adoju paia ĩna moari wi ũmacūju gagu Dios ya wi robo bajiro baja. Moisés ñayoru Dios ya wi ī menigū wagu yiroca, ado bajiro rotiyiju Dios ĩre: “Gūtagū joeru yu mure goticato bajiroti tuoĩacōri, ito bajiro menima”, yiyiju Dios Moisés ñayorure. Adi sita gāna paia ĩna moaja ũmacūju gagu Dios ya wi robo bajiro quesoĩarā yirāji ĩna. ⁶ Cristo manire bəsi ĩsiri masure moare ñasarise cūni Dios. Paia ñayoana bucarā rotirere cudigoana ĩna yiado rētoro yigu ñami Cristo. “Masa yu Macure ĩna tuorūnija, ĩnare queno yigu yigūja yu. ĩna ñeñaro yirisere ācabojocōri, ĩnare masogū yigūja yu”, yami Dios ī oca tutina.

⁷ Bucu oca rētoro ñasarise ña mame oca. Bucu oca tuo suyacōri Dios ñaro mani ejajama gaje mame oca cūbitiboru ī. ⁸ Bucu ocare masa ĩna cudi jeo masibeja tiyiju Dios. Ito bajiri ado bajiro yiyiju ī:

Israel sita gāna rāca, Judā gāna rāca ija mame oca quenogū yigūja yu maji.

- ⁹ ĩna ñicusabatiare yu goticato bajiro meje bajiro yiroja. Egiptoju ĩna ñaroca gajeroju ĩnare cū wacu ĩnare gotibojacu yu. Yu goticato bajiro cudibiticā ĩna. Ito bajiri ĩnare tuorūnubiticu yu.
- ¹⁰ Ija Israel sita gānare yu oca quenoja, ado bajiro yigu yigūja yu: Yu rotirise ĩna tuoĩaroca yigu yigūja yu. Ito bajiri ĩna ya usiju yu rotirisere cudi āmorā yirāji ĩna. Ito yicōri ĩna ũju ñagū yigūja yu. Ito bajiri ĩna ñarā yirāji yu ñarā.
- ¹¹ Yu ñarā ñari ñarocōti yure ti masirā yirāji ĩna. Ito bajiri yure masirā riti ĩna ñajare ĩna baba mesare cūni yure ĩna ti masitoni riasomena yirāji ĩna. ĩna jeyaro yure ti masirā yirāji ĩna. Mutarā cūni, bucarā cūni yure ti masirā yirāji ĩna. Ito bajiri yure ĩna ti masitoni riasomena yirāji ĩna.
- ¹² ĩnare ti maicōri ĩna ñeñaro yirisere ācabojogu yigūja yu. Ito yicōri juaji ĩna ñeñaro yirisere tuobicu yigūja yu ĩja, yami mani ũju Dios ī oca tutina.

¹³Mame oca Dios manire ĩ bũsija, “Bũcũ ocare jidicãcõgũ yiguĩji”, yi tũoĩa mani. Bũcũa warise jedi wato ya. Ito bajiroti manire mame oca ĩ gotija, “Iti rũmũ gaye bũcũ oca jedi waro ya”, yi tũoĩa masia mani.

Diore rũcũbuorã ado bajiro yiyijarã bucurã, yire gaye

9 ¹Cajero Dios Moisés rotiroti cũgũ masa ĩre rũcũbuoroti gayere ĩre cũyijũ Dios. “Adi sitajũ yũre rũcũbuorona mũa minijuaroti wi menire ãmoa yũ”, yi rotiyijũ Dios Moisésre. ²Ito bajiri ĩ rotiado bajiroti wi jua sõa, sõa cũtiri wi meni ĩsiyijarã ĩna. Wi gũdareco saya webũtirona yobiara wi ñayijũ iti wi. Cajero ejasũorajũ Diore rũcũbuora sõa ñayijũ iti sõa. Iti sõajũ jeobusuora tutu ñayijũ. Ito yicõri casabo ñayijũ, naju Diore ĩsiroti jesari casabo. ³Yobiado gaje dũja ñari sõa, Dios ĩ ñasari sõa wame cũtiyijũ iti sõa. ⁴Itojũ orona ĩna menira casabo ñayijũ. Iti ñayijũ Diore yari queno sũti quenarise ĩna soe ĩsisotira casabo. Ito yicõri orona ĩna menira jedo ñayijũ. Dios ĩ bũsigore ñari jedo ñayijũ iti jedo. Iti jedo totijũ adocõ jaje ñayijũ. Iti jedojũ oro sotũ sãñayijũ. Iti sotũjũ bare manã wame cũtirise sãñayijũ. Ito yicõri iti jedojũ Aarõn ñayorũ ya turigũ ñasãturagũ sãñayijũ. Ito yicõri iti jedojũ gũta jãiri Dios ĩ rotirise ucare ñayijũ. ⁵Iti jedo joe ángel mesa bajirã ĩna meni rujeoana jesayijarã. ĩna ñayijarã masa ĩna ñeñaro yirise waja soe ĩsirajũ weca caero ñujeorã. ĩnare ticõri, “Adi sõa ña Dios ĩ ñasari sõa”, yi tũoĩayijarã paia. Adocãta iti gaye ñarocõti goti masia ma maji.



(Hebreos 9.5)

⁶Ito bajiro bajiyijũ mani ñicũsabatia Diore ĩna rũcũbuore gaye. Co rũmũ ruyabeto ĩna moasotire ñajare, Diore rũcũbuorajũ ñasũori sõa ejasotiyijarã ĩna. ⁷Ito bajibojarocati Dios ĩ ñasari sõareama paia yũ co rodo ruyabeto cojiti sãjayijũ ĩ co rodore. Itojũ ĩ sãja waja, waibucurã rĩ rãca ãmi sãja wayijũ ĩ. Iti ñayijũ ĩ ñeñaro yirise waja, waja yiroti, ito yicõri masa ñeñaro yirise waja, waja yiroti. ⁸“Mani ñicũsabatia cajero Dios ĩ rotisũore ĩna rũcũbuosũoroca paia yũ sũgũti Dios ĩ ñasari sõa sãjasotiyijũ. Masama ejasũora sõa riti sãjasotiyijarã ĩna. Ito bajiri Dios ĩ ñarõjũ eja masibisijarã masa maji”, mani yi masiroca yami Espĩritu Santo. ⁹“Ricati baja adi rũmũri”, mani yi tũoĩaroca yami Espĩritu Santo. Mani ñicũsabatia

Diore r̄uc̄b̄uorona waib̄uc̄ur̄e soe īsiyijar̄ā īna. Ito bajiro yibojar̄āti īna t̄uōiarise, “Seti cuti ña yu maji”, yi t̄uōiyijar̄ā īna. ¹⁰Buc̄ur̄ā rotire gaye ado bajiro bajiyija: “Adi ña bare, adi ña bare meje. Adi ña idiroti, adi ña idire meje. Ado bajiro guaja quena. Ado bajiro coeja quena. Ito yic̄ōri ado bajiro ruj̄ure tir̄un̄ja quena”, yire gaye ñayiju buc̄ur̄ā īna rotire. Mani ñicusabatia itire cudi āmorā ñabojar̄āti, ñaroc̄ōti cudi jeo masibisijar̄ā īna. Mame oca Dios ī wasoaroto rioj̄ua buc̄u oca ñasarise ñayiju maji.

¹¹Ījama Cristo ejacoami. Īti ñami manire yiari Diore busi īsiḡū ñasagu. Īti ñami manire quenarise r̄etaroca yiḡu. Manire ī goda īsija bero ūmac̄ūju Dios ya wij̄u m̄uja wayiju ī. Itoju Dios ya wi ñac̄ōri manire yiari busi īsisotiguiji ī. Ūm̄ua īna menira wi r̄etoro quenari wi ñaroja Dios ya wi. Adi sitaga wi meje ñaroja Dios ya wi. ¹²Ūmac̄ūju Dios ī ñasari s̄oj̄u ñaguji Cristo adoc̄āta. Itoju s̄ajac̄ōri cabra mac̄u r̄i, ta wec̄u mac̄u r̄ina Diore īsiroc̄u meje s̄ajar̄u ī. Ī ya r̄inati Diore īsiroc̄u s̄ajar̄u ī. Manire goda īsic̄ōri mani ñeñaro yirise waja, waja yi t̄ior̄u ī. Ito bajiri m̄ucana j̄uaji ī ya r̄ire Diore īsibiquji ī. Ī r̄āca mani ñat̄iñatoni ñaroc̄ōti waja yiñi ī. ¹³Ado bajiro bajiyiju Dios ī rotisuore: S̄iḡū godar̄ure ī moāaja ito yic̄ōri r̄eore gayere ī moāaja, ī ya ruj̄u ūeri j̄aiḡure bajiro bajiyiju ī. Ito bajiri itire coerona ta wec̄u r̄i, cabra mac̄u r̄i c̄uni, ito yic̄ōri ta wec̄u mac̄u r̄i īna soe abore r̄iti īna ya ruj̄ure paire w̄ejabate gu rotiyijar̄ā īna. Ito bajiro īna yija joe ūeri coero bajiro bajiyiju iti. ¹⁴Waibuc̄ur̄ā r̄i r̄eto busaro ñasarise ña Cristo ya r̄i. Waibuc̄ur̄ā r̄iama joe gayeti coeroja. Jesús ya r̄iama mani ñeñaro yirisere coe jeoc̄ōroja. Cojireā ñeñaro yīabic̄u ñari manire goda īsiñi ī, mani ñeñaro yirisere waja yi īsiroc̄u. Ito bajiro yiñi Cristo manire, Esp̄iritu Santo ñat̄iñaḡure t̄uoc̄ōri. Jesús ya r̄ina suoriti mani ñeñaro yirisere ācabojoḡu yiguji Dios. Ito bajiri, “Ū ūeno yirise tic̄ōri ȳre masoḡu yiguji Dios”, yi t̄uōiabea mani. “Jesús ya r̄ire tic̄ōri ȳ ñeñaro yirisere ācabojoni Dios”, yi t̄uōia mani. Ito bajiri Dios catit̄iñaḡure wan̄ar̄ā ĩre moa īsit̄iñar̄ā yir̄aji mani.

¹⁵Ito bajiri iti oca t̄uoc̄ōri, “Jesucristo ĩti ñami mame oca manire gotitoni Dios ī c̄ōar̄u”, ya mani. Cajero Dios ī rotisuore gaye cudi jeo masibisija mani. Ito bajiri Dios ī rotisuore mani cudi jeo masibejare, itire waja yi īsiroc̄u manire yiari goda īsiñi Cristo. Ito bajiro Cristo ī yija tic̄ōri, Dios ī gotic̄ādo bajiroti yiḡu yiguji ī. Mani ñeñaro yirisere ācabojoc̄ōri, ī r̄āca mani ñat̄iñatoni manire āmiḡū yiguji Dios. ¹⁶Ado robojua baja. Tite. S̄iḡū ī godaroto rioj̄ua, “Ū ūa gajeoni r̄uco wasoar̄ā yir̄aji ȳ ñar̄ā”, yi meniḡū yiguji ī. Ito bajiro ī yija bero, “Riti ña. Adi papera ī ucaja bero godacoañi”, oca quenori mas̄u ī yiroto rioj̄ua, godar̄u ya gajeonire boca āmi masimenaji ī ñar̄ā. ¹⁷Iti papera ucar̄u ī catija maji, ī ñar̄ā ī ya gajeonire boca āmi masimenaji maji. Ī godaja bero riti, ī uca gotiādo bajiro boca āmir̄ā yir̄aji īna. ¹⁸Ito bajiroti cajero ī rotire gotiḡu, Moisés ñayor̄ure waibuc̄u r̄i w̄ejabate rotiyiju Dios. “Iti r̄ire tic̄ōri, ‘Īja siḡū manire goda īsiḡū yiguji’, yi t̄uōiar̄ā yir̄aji masa”, yiñi Dios Moisésre. ¹⁹Ito bajiro ī gotija t̄uoc̄ōri, ñaroc̄ōti Dios ī rotire gaye masare goti jeoyiju Moisés ñayor̄u. Itire goti t̄ioc̄ōri cabra mac̄u r̄i,

ta wecū macū rí idena jabeto w̄oyijū. Ito yicōri oveja joa s̄uarise āmicōri hisopo wame cutiricū ruj̄ure siayijū. Iti gocore r̄jū yosecōri, Dios ī rotira tutire ito yicōri masare cūni r̄ina w̄ējabate guyijū Moisés ñayoru. ²⁰Ito yicōri masare ado bajiro yiyijū ī: “Adi r̄íre ticōri, ‘Ito bajiro yicūja yū’, Dios ī yiado bajiroti yigū yiguījī, yi t̄oĩa mani”, yiyijū Moisés masare. ²¹Īna minijuara wijū cūni r̄ina w̄ējabate guyijū Moisés ñayoru. Ito yicōri itijū minijuara wi ñarise ñarocōreti r̄ina w̄ējabate guyijū ī. ²²Ado bajiro gotia bucū oca: “Ūeri cutirise jeyaro, r̄ina coeja quenaroja. Sigū ī r̄í budibeja mani ñeñaro yirise coeya maniboadoja”, yi gotia bucū oca.

Cristo ī godarena suoriti mani ñeñaro yirise coeyijū, yire gaye

²³Ito bajiri mani ñicusabatia Dios ya wijū ĩna s̄ajaroto riojua, ĩna ya ruj̄ure ĩna ya gajeonire cūni r̄í w̄ējabate guyijarā ĩna. Rí w̄ējabatecōri, “Ūeri ma manire. S̄ajarūja manire”, yiyijarā ĩna. Ito bajiro ĩna yija, ūmacūjū Dios ī ñaro bajiro quesoiayijarā ĩna. ĩna yisotiado bajiro waibucurā r̄etoro ñasagū manire goda ĩsiñi Cristo. ĩ ya r̄ina suoriti Dios ya wijū ejarā yirāji mani. ²⁴Mani ñicusabatia ĩna menira wijū s̄ajabisijū Cristo. “Ado bajiro bajiroja Dios ya wi”, yiariti ĩna menira wi ñayijū iti wi. Cristoama ūmacūjū Dios ī ñarōjū s̄ajañi. Ito bajiri adocāta itona ñacōri, manire yiari Diore busi ĩsiguījī ī. ²⁵Judio masa paia ūjū co rodo r̄uyabeto cojiti s̄ajayijū ī co rodore. Itojū s̄ajacōri, Diore yiari waibucū r̄í w̄ējabateyijū ī. Cristoama cojiti ī ya r̄í ĩsiyijū Diore, masa ĩna ñeñaro yirise waja, waja yi ĩsirocū. ²⁶Co rodo r̄uyabeto Cristo godare Dios ī āmoja, biyaro godaborū, adi macārucūro iti rujearocajuti. Ado bajirojua baja. Adocāta macārucūro iti jediroto riojua, manire yiari cojiti goda ĩsiñi Cristo. Mani ñeñaro yirisere goda ĩsiñi ī. Ito bajiri ĩre mani tuorūnūja, manire ī yi ĩsigore ticōri, mani ñeñaro yirisere ācabojogū yiguījī Dios. ²⁷Sigū r̄uyabeto cojiti godarā yirāji mani. Ito yicōri mani queno yire, mani ñeñarise yire cūni cōiagū yiguījī Dios. ²⁸Cristo cūni masa jeyarore ĩna ñeñaro yirise waja, waja yi ĩsirocū cojiti godañi. Mucana t̄udi ī goaja, masa ĩna ñeñaro yirisere waja yi ĩsirocū meje e jagu yiguījī. ĩre bocatirāre masorocū e jagu yiguījī ī.

10 ¹Bucū ocana suoriti quenaro ĩnare Cristo ī yiroti gayere masis̄oyijarā masa. Ñarocōti ī queno yiroti masi jeobisijarā ĩna maji. Bucū oca cudirā co rodo r̄uyabeto waibucurā siacōri Diore soe ĩsisotiyijarā ĩna. Ito bajiro ĩna yibojarocati, “Ūū t̄ija, seti ma ĩnare”, yibisijū Dios. Ito bajiri bucū ocare mani t̄uo s̄uyabojaja Dios t̄u ejamena yirāji mani. ²Diore yiari waibucurā ĩna soe ĩsija bero ĩna ñeñaro yirisere ī coe jeoja, mucana waibucurā soe ĩsibitboana ĩna. “Waja yi t̄iomū yū. Ūure seti ma ĩja”, yiboana. ³Ito bajiro meje bajiyija. Co rodo r̄uyabeto Diore waibucurā ĩna soe ĩsija, “Ñeñaro yigū ña yū”, yi t̄oĩa bujayijarā ĩna. ⁴Ta wecū r̄í, cabra r̄í, masa ĩna ñeñaro yirisere coeroti meje ñaroja.

⁵Ito bajiri adi sitajū wadigū, ado bajiro yiyijū Cristo Diore:

Masa ĩna waibucurā soe ĩsire āmobeā mū. Ito bajiri ĩna ñeñaro yirise yū waja yi ĩsioni, ĩna t̄u yū ruj̄ū cutiroca ya mū.

⁶Masa ĩna ñeñaro yirise waja yirona waibucurā ĩna soe ĩsija queno wanubea mū, ya yū.

- 7 Gaje ado bajiro mure gotia ya: Dios mu amoro bajiro yirocu masa tuju wacu ya ya. “Dios i rotiro bajiro yigu yiguji i”, mu oca tuti iti gotirototo bajiroti, masa tuju wacu ya ya, yiyiju Cristo Diore.
- 8 Queno troya ya narã mua. Ado bajiro gotiyiju Cristo: “Masa ina ñeñaro yirise waja yirona Diore yiari waibucurã ina soe isi amobojaja, queno wanubeami. Moisés ñayorã i rotire ñabojarocati, queno wanubeami Dios”, yi gotiyiju Cristo. 9 Gaje ado bajiro gotiyiju Cristo: “Dios, mu amoro bajiro yirocu, masa tuju wacu ya ya”, yiyiju Cristo Diore. I ito yija tuocõri, “Bucurã waibucurã soe isire jidicãcõri, imasiti manire goda isiñi”, yi tuoia mani. 10 Dios i amoro bajiro yiñi Jesucristo. Cojiti manire yiari goda isiñi i, i ya rina mani ñeñaro yirisere waja yirocu. Ito bajiro i yire ñajare, mani ñeñaro yirisere acabojocõri, “Seti ma mure”, yigu yiguji Dios manire.
- 11 Judio masa paia co rumu ruyabeto ina ya moare ñajare, biyaro Diore waibucurã soe isisotiamã ina. Ito bajiro ina yibojarocati masa ina ñeñaro yirisere coebetaja. 12 Cristoama cojiti mani ñeñaro yirisere waja yi tirocã manire yiari goda isiñi i. Mani ñeñaro yirise waja yi tiocõri umacuju Dios ya riojocaduja rucubhoraja rujiguji i ija. 13 Itoju nacõri i wajanare retocuroca Dios i yitoni bocatigu yiguji maji. 14 Manire yiari cojiti goda isiñi Cristo. Ito bajiro i yijare manire ticõri, “Seti ma mure”, yigu yiguji Dios. Ito bajiri i rãca catifinarã yirãji mani. 15 “Riti baja iti oca”, mani yi masitoni, ado bajiro gotiñi Espiritu Santo:
- 16 Masa rãca mame oca quenogu yiguja ya. Ado robojua bajiro yiroja: Yu rotirise ina tuoiaroca yiguja ya. Ito bajiri ina ya usiju ya rotirisere cudi amora yirãji ina.
- 17 Cristore ina tuorunuja ticõri, ina ñeñaro yirise, ina seti cutirise juaji tãdi tuoibicuja ya, yi gotiñi Espiritu Santo Dios oca tutina.
- 18 Ito bajiri mani ñeñaro yirisere Dios i acabojaja bero, juaji mani ñeñaro yirisere waja yi masia ma.

Diore mani tuorunuja quena, yire gaye

19-20 Ito bajiri ya mairã, ado robojua baja mame oca, adi rumari. Mani ñeñaro yirise waja, waja yi tioñi Cristo, i ya rina. Godaru ñabojaguti mucana caticõri umacuju Dios i ñaroju ñaguji manire yiari. Ito bajiri ire mani tuorunuja umacuju Dios i ñasari soaju guimenati sãjarã yirãji mani. Mani ñicusabatia Dios i ñasari soa yobiadore rãta masibisjarã ina. Ito bajiro meje baja adocãta. 21 Jesucristo siguti ñami paia uju ñasagu. Manire yiari Diore busi isisotigu yiguji. Ito bajiro yisotiguji Cristo, Dios ya wina nacõri. 22 Ito bajiri guimenati Diore rucubhorona i tu waruja manire. Ito yicõri, “Yure boca amigũ yiguji”, yi tuoia rucubhoruja manire. Mani ñeñaro yirisere coeñi Dios, Jesucristo ya rina. Ado bajiro baja iti. Ide quenarisena mani guaja bero mani ya ruju heri manija ija. Ito bajiroti Jesucristo ya rina suoriti mani ñeñaro yirise Dios i coeja bero, heri mana bajiro narãji mani ija. Ito bajiri, “Ñeñaro ya ya. Seti ña yure”, yi tuoibeã mani. 23 Ire tuorunucõri, “Yure masogu yiguji i”, yirã ñari, ire tuorunũ suyaruja manire.

Gajero bajiro tuoñabitiruja manire. Dios manire ï goticãdo bajiroti yigũ yiguĩji ï. ²⁴Gãjerãre mani queno yitoni, ito yicõri ïnare mani ti maitoni, gãmeri ejabuaruja manire. ²⁵Jesucristore tuorũnurã ñari, ïre rũcũbuorona minijuatĩñaruja manire. Coriarã minijua jidicãñi ïna. ïnare bajiro yibitiruja manireama. Jesucristore mani jidicãbitoni, buto busa gãmeri oca são rotiruja manire. Ito bajiri adi rumuri buto busa oca sãoruja manire, yoari mejeti mani Uju ï ejaroti ñajare.

²⁶Dios ocare masirã ñabojarãti, ñẽnarõ mani yi uyaja ñe waja yi remore manõja. Waja yicãñi Cristo. Ito bajiri ïre mani tuorũnubeja, tudĩ waja yibiquĩji ï ïja. ²⁷Ito bajiri Cristore mani tuorũnubeja ticõri, guijorise riti manire waja senigũ yiguĩji Dios. Ito yicõri jeame ñjuroju ï wajanare ruyuriorijju manire cõagũ yiguĩji Dios. ²⁸Moisã ñayoru ï rotire gayere sigũ ï cãdibeja ado bajiro bajiyijũ. Jũarã, ãdiarã, “Riti cãdibeami ï”, ïre yi coderã ñaja, jabeto ïre ti mairã mejeti ïre sãcõyijarã ïna. ²⁹Iti gayere mani tuoñaja, “Sigũ Dios Macure ti tecõri ï rũcũbuobeja, buto busa ï tõbujaroca yigũ yiguĩji Dios ïre”, yi tuoña mani. Masa jeyaro yiari Jesucristo ya rí budiyijũ. ï ya rina suoriti mani ñẽnarõ yirisere ãcãbojõguĩji Dios. Iti ña oca mame Dios ï cũre. Ito bajiri, “Masare yiari ï goda ïsibore ñe waja ma ï ya rí”, yigũre buto ï tõbujaroca yigũ yiguĩji Dios. Manire ti maigũ ñari queno manire ejabuami Espiritu Santo. Ito bajiri no Espiritu Santore busitugureti buto ï tõbujaroca yigũ yiguĩji Dios. ³⁰Ado bajiro yĩni Dios: “Yũ ña masa ïna ñẽnarõ yirisere waja senirocũ. Ito yicõri yuti ña ïna tõbujaroca yirocũ”, yĩni Dios. Itire masia mani. Gaje ado bajiro gotia Dios oca: “Dios ñami ï ñarãre ïna ñẽnarõ yirise waja, waja senirocũ”, yi gotia Dios oca. ³¹Ñẽnarõ yirãre ñiacõri Dios catitĩnagũ ï waja senija, buto guijorise ñaroja.

³²Ito bajiri, “Ïre jidicãgũ yigũja yũ”, yi tuoñabesa mua. Jesucristo oca tuocõri ïre mua boca ãmicato bajiroti ïre riti mua tuorũnũ suyaja quena. Ïre mua tuorũnũja ticõri, muare tudĩni gãjerã. Mua tõbujaroca ïna muare yibojarocati Cristore tuorũnũ jidicãbisija mua. ³³Mua coriarãre masa busi tudĩni. Ito yicõri mua coriarãre masa ïna tiro riojo ñẽnarõ yĩni ïna. Mua baba mesare ñẽnarõ ïna yija ticõri, ïna rãca tõbujayija mua cuni. ³⁴Mua baba mesare ïna tubiaja ïnare tuo maiyija mua. Mua ya gajeonire ïna ãmãbojaja cuni buto bojori bujabisija mua. “Ûmacãju Dios ï ñaroju jogabitire boca ãmirã yirãji mani. ïna manire ãmarise rãtoro quenarise bujarã yirãji mani”, yi wanũre rãca tuoñayija mua. ³⁵Ito bajiro ñẽnarõ tõbujabõjarãti Diore tuorũnũ jidicãbeja mua. Oca sãoro wanũre rãca buto busa Diore tuorũnũña mua. Ito bajiro mua yija, iti waja queno yigũ yiguĩji Dios muare. ³⁶Dios ï ãmoro bajiro mua yi ãmoja, usiriobeja mua. Ito bajiro mua yija ticõri, ï gotiado bajiroti muare ï ïsiroti ïsigũ yiguĩji Dios. ³⁷Yoari goroama bocati yimenaji mua. Ado bajiro gotiami Dios ï oca tutina:

Yoari mejeti yũ cũrũ e jagu yiguĩji. Yoari goroama godabetõja ï ejaroti.

³⁸No ï ñẽnarõ yirisere jidicãcõri Cristore tuorũnũgũreti ti wanũgũ yigũja yũ. Ito bajiri ï catitĩnaroca yigũ yigũja yũ. Yũre jidicãrãreama ïna rãca wanũbicũ yigũja yũ, yĩni Dios ï ocana.

³⁹Diore jidicārã meje ña mani. Ito yicōri ī ruyuriorona meje ña mani. Diore tuorūnūrã ña mani. Ito bajiri ī masoana ñari ī rãca catitiñarã yirãji mani.

Diore mani tuorūnūja catitiñarã yirãji mani, yire gaye

11 ¹Diore mani tuorūnūja ado bajiro tuoīarã yirãji mani. “Dios ī yiro bajiroti yure masogũ yiguīji ī. Ija yure ī īsiroti itire tibitibojaguti boca āmigũ yigūja yu”, ya mani Diore mani tuorūnūja. ²Jane mejeju ire ña tuorūnūja ticōri, mani ñicusabatiare wanuyiju Dios.

³“Ī ya ocanati adi macārucūrore rujeoñi Dios”, ya mani, ire mani tuorūnūja. “Rocati mani tigorena meje adi macārucūrore rujeoñi Dios. Ī ya ocanati adi macārucūrore rujeoñi Dios”, ya mani, ire mani tuorūnūja.

⁴Mani ñicusabatia Diore ña tuorūnūgore gaye mware gotigu ya yu. Abel ñayoru Diore tuorūnūcōri ī rījoru Caín, Diore ī īsiroti rētoro quenarise īsiyiju Abel ñayoru. Ito bajiri, “Yu rotiro bajiroti yami”, yicōri ī īsiro bajiroti boca āmiyiju Dios. Jane mejeju Abel ñayoru ī godabojarocati Diore ī tuorūnūre mani tuoīaja, buto busa Dios gayere tuo masirã yirãji mani.

⁵Enoc ñayoru Diore ī tuorūnūjare ire wanuyiju Dios. Īre ti wanūcōri, catigureti ire āmicoayiju Dios. Ito bajiri ire āmabojarãti bėjabisjarã masa, Dios ire āmire ñajare. Dios oca tuti iti gotija, “Enoc ñayoru ī āmi ecoroto riojua, ire queno wanuyiju Dios”, yi gotia Dios oca tuti. ⁶Diore mani tuorūnūbeja, manire wanūbiguīji ī. Dios rãca mani baba cuti āmoja, ado bajiro tuoīarūja manire: “Riti baja, ñasacōguīji Dios. No Diore masi āmogũ ī āmaja, ire boca āmigũ yiguīji Dios”, yirūja manire, Dios rãca mani baba cuti āmoja.

⁷Noé ñayoru cūni Diore tuorūnūyiju. “Mu tiābiti rētarō yiroja mure”, Dios ī yija tuocōri, Dios ī yiro bajiroti cudiyiju Noé ñayoru. Ito bajiri cuma bucua jajoca meniyiju Noé ñayoru, ī ñarã rãca rujabe yirocu. Diore tuorūnūcōri adi macārucūro gãna Diore tuorūnūbitianare bajiro meje yiyiju ī. Ito bajiro Noé ī yija ticōri, “Manire waja senigũ yiguīji Dios”, yi tuoīayijarã masa. “Yure ī tuorūnūjare seti ma Noére”, yi wacu ire masoyiju Dios.

⁸Abraham ñayoru cūni Diore tuorūnūyiju. Dios ī busija tuocōri, ī yiro bajiro cudiyiju Abraham ñayoru. “Gaje sita mure īsigũ yigūja yu”, Dios ī yija tuocōri, ī ya sitare wagoyiju Abraham. “Itoju ejagu yigūja yu”, yi masibicuti wayiju Abraham cajero wasuogũ. ⁹Diore tuorūnūcōri, Dios ire īsiroti sita ñagũ wayiju Abraham, gājerã ya sita ñabojarocati. Wijai menicōri, ito yicōri waihcũ wirorina wi menicōri ñayiju ī. “Yoari mejeti ñagũ yigūja yu”, yirocu itina meniyiju ī. Ito bajiro yiyiju ī macũ Isaac cūni, ito yicōri ī janami Jacob cūni. “Adi sita manire īsigũ yiguīji Dios”, yi tuoīa masirã ñayijarã ña cūni. ¹⁰Diore tuorūnūcōri, Dios ī ñasari cūtoire tuoīayiju Abraham ñayoru. Iti cūto Dios ī menicãra cūto ñaroja. Ito bajiri iti cūto gajanoabeto yiroja.

¹¹Abraham manajo Sara ñayoro Diore tuorūnūgō ñayijo. Būco rĩa mani waro ñabojarocati iso macũ cūtiroca yiyiju Dios isore. Ito bajiri, “Dios ī yiro bajiro yigu yiguīji”, yi waco macũ cūtiyijo iso. ¹²Ito bajiroti Abraham ñayoru

cuni ĩ godaroto riojuati macu cutiyijũ ĩ. Ĩ ñayijũ jãjarã janerãbatia cutiurocu. Jãjarã ñocõa, jaje ja sitacõ janerãbatia cutiurocu ñayijũ ĩ, cõĩado mana.

¹³ Ñana muare yu gotirã ĩna godaroto riojua, “Adi sita muare ĩsigũ yigũja yu”, Dios ĩ yira sitare boca ãmibisijarã ĩna maji. “Ito bajiro yigũ yiguĩji Dios manire”, yi jdicãbisijarã ĩna. “Adi macãrucũro ñatĩñarona meje ña mani. Adoju ña ucurãre bajiro bajirã ña mani. Ũmacũju ñaroja mani ñatĩñaroti cutu”, yi tuoĩayijarã ĩna. ¹⁴ Ito gayere mani tuoja, “Ũmacũju Dios tũju ĩna catitĩñaroti cutuju tuoĩa ñayijarã ĩna”, yi tuoĩa mani. ¹⁵ ĩna ya sita ĩna wajoraju ĩna tuoĩaja, iti sitaju mucana tũdi waboana ĩna. ¹⁶ ĩna watora sita rãtoro quenarise sita ũmacũju Dios ĩ ñaroju tuoĩa ñayijarã ĩna. ĩna ñaroti cutu meni yucãni Dios. Ito bajiri ĩnare cutu queno ĩsicõri, bojobicuti, “Yu ñarã ñama ĩna. ĩna Ũju ña yu”, yi wanũgũ yiguĩji Dios.

¹⁷ “Yure ĩ tuorũnũja ticũja yu”, Dios ĩ yiro bajiroti cudiyijũ Abraham ñayoru. Ito bajiri Diore tuorũncõri, ĩ macu Isaacre Diore soe ĩsirocu ãmi wayijũ. ĩ macu sigũ ñagũre siagũti yibojayijũ Abraham. ¹⁸ “Isaacna suoriti jãjarã janerãbatia cutigũ yigũja mu”, Dios ĩ yicãre ñabojarocati, ĩre siaboyijũ Abraham, Diore tuorũncõri. ¹⁹ “Godarãre mucana tũdi ĩna catiroca yi masiguĩji Dios”, yi tuoĩayijũ Abraham ñayoru. ĩ macure ĩ siãbore ñabojarocati, mucana ĩ macure judacõayijũ Dios. Ito bajiri, “Mu macure siabesa”, yicõri ĩ macure judacõagũ robo bajiro yĩni Dios Abrahamre. “Yure queno tuorũnũmi ĩ”, yi tuoĩacõri Abrahamre ti wanũyijũ Dios.

²⁰ Isaac ñayoru cuni Diore tuorũnũgũ ñayijũ. Diore tuorũncõri, “Ado bajiro queno yigũ yiguĩji Dios muare”, yiyijũ Isaac, ĩ rãre Jacob, Esaúre cuni. ²¹ Jacob ñayoru cuni Diore tuorũnũyijũ. ĩ godaroto riojua, “Ado bajiro queno yigũ yiguĩji Dios muare”, yiyijũ ĩ, ĩ janerãbatia José rãre. Bucũgũ ñari ĩ ya turigũna tue wacuti Diore rũcũbuoyijũ maji. ²² José ñayoru cuni Diore tuorũnũgũ ñayijũ. ĩ godaroto riojua, Israel sita gãnare ado bajiro gotiyijũ José: “Ija adi sita Egipto sitare wajorã yirãji mua. Ito mua waja, yu ya gõarire ãmi warã yirãji mua”, yiyijũ ĩ.

²³ Moisés ñayoru jacusabatia Diore tuorũncõri, ĩ rujeaja bero udiarã ũmacãni ĩre yeyoyijarã. “Quenagũ ñami mani macuacã”, yiyijarã ĩna. Ito bajiri iti sita gagũ uju ĩ sia rotibojarocati, ĩre gũibiticõri cudibisijarã ĩna. Diojuare tuorũnũyijarã ĩna. ²⁴ Moisés ñayoru cuni Diore tuorũnũgũ ñayijũ. Egipto gagũ uju maco iso masoru ñabojaguti bucua wacu, “Iso macu ñami”, masa ĩna yire ãmobisijũ ĩ. ²⁵ “Egipto gãna rãca ñeñaro yu yija, wanũtĩñabicũja yu. Ito bajiri Dios ñarã rãca baba cutigũ yigũja yu, Egipto gãna ñeñaro yure ĩna yibojarocati”, yiyijũ Moisés ñayoru, Diore tuorũncõri. ²⁶ “Egipto sitaju gajeoni jeyaro yu rũcoja, ñasarise meje ña. Dios cõarocu ĩ tõbũjaroto bajiro yu tõbũjaja, iti ña ñasarise”, yi tuoĩayijũ Moisés ñayoru. “Yu tõbũjabojarocati, ija queno yigũ yiguĩji Dios yure”, yi tuoĩacõri Diore tuorũnũyijũ ĩ. ²⁷ Diore tuorũnũgũ ñari Egipto gagũ ujure gũibiticõri, gaje sita wacu ĩ ñarãre ji wayijũ Moisés ñayoru. Diore tibitibojaguti, “Yu rãca ñaguĩji ĩ”, yi tuoĩacõri Diore cudiyijũ Moisés.

²⁸ Diore tuorũncõri ĩ ñarã Israel sita gãnare pascua basa meni rotiyijũ Moisés. Ado bajiro masare gotiyijũ ĩ: “Sĩgũ ángel cõagũ yiguĩji Dios, co

wi ruyabeto macu ñasuoğure ĩ sĭatoni. Dios ĩ rotiro bajiro soje weca mani rĭ tuja, ángel rĕtagĕ yĭğuiji”, yĭ rotiyĭjĭ Moısés Israel sita gĕnare. Ito bajiro Moısés ĩ rotire ñajare Israel sita gĕnare sĭğĕ macĕre sĭabisijĭ ángel. ²⁹Diore tĕorĭncĕri Israel sita gĕna Ide Sĭarise wame cĕtirisa ĩna jĕatoni ide jĕa dĕja bata rĕğyĭjĭ. Ito bajiri sita bĕtirise cĕdado bajiroti cĕda jĕacoayĭjarĕ ĩna ĩja. Egipto gĕna ĩnare sĕyarĕ ĩnare bajiroti jĕa ĕmorĕ, yĭbojayĭjarĕ ĩna. No bajiro jĕa masibiticĕri ruja godacoayĭjarĕ ĩna.

³⁰Diore tĕorĭncĕri Israel sita gĕna jĕa ĕmojeno rĕmĕri gĕni biayĭjarĕ Jericĕ wame cĕtiri cĕtore. Jĕa ĕmojeno rĕmĕri ĩna rĕja gĕni biaja bero, iti cĕtore ĩna



(Hebreos 11.30)

camotara cuní juja quediyju. ³¹ Rahab wedi maso ñagoro Diore tuorũnugõ ñayijo iso cuni. Israel gãna jãarã gãnitirã ejarãre queno boca ãmiyijo iso. Ito bajiri Israel sita gãna iso ya cuto gãna Diore cudimenare ña sãja, isore sãruayijarã ña.

³² Jaje muare goti amoboja yu. Gedeón, Barac, Sansón, Jefté, David, Samuel ito yicõri Diore goti ñsiri masa ña jeyaro gayere goti jeo masibeja yu adocãta.

³³ Diore tuorũnucõri coriarã gaje sita gãnare rãtocũyijarã ña. Gãjerã queno masare roti masiyijarã. Dios ñ gotiada bajiroti ñ isire boca ãmiyijarã ña. Gãjerã yaia riserire biayijarã. ³⁴ Gãjerã jeame buto ñjuroju cõa tãbojaja uabisijarã ña. Gãjerã ña wajana sarera jãina sã ãmoja, rudi masiyijarã. Gãjerãre ña bogaja mucana tãdi ña sãroca yiyiju Dios ñnare. Ito bajiri ña wajanare surarare rãtocũ masiyijarã ña. ³⁵ Coriarã romia cuni Diore tuorũnũrã ñayijarã. Ito bajiri Diore tuorũnucõri ña ñarã godabojanare tãdi ña catija tiyijarã ña.

Gãjerã Diore tuorũnũrã ado bajiro bajini. Coriarã ñeñaro tõbujacõri godayijarã ña. “Diore mani jidicãja manire bucõarã yirãji ña. Ito yicõri manire sãamenaji”, yi tuoãbojarãti Diore tuorũnũ jidicãbisijarã ña. “Mucana tãdi caticõri Dios tãju buto busa queno ñarã yirãji mani”, yi tuoãyijarã ña. ³⁶ Gãjerãma ñnare aja tudicõri baje ecoyijarã. Gãjerã ña ya ãmori come misina siacõri tubia ecoyijarã. ³⁷ Gãjerã gãtana rea sãa ecoyijarã. Gãjerãma ña ya ruju gudareco yijeta ecoyijarã. Gãjerã ñeñaro yi ecoyijarã. Gãjerã sarera jãina sãa ecoyijarã. Gãjerã queno cuto bujamenati wa ucuyijarã. Waibucu wirona riti wasoyoyijarã ña. Bojoro bujarã ñayijarã ña. Gãjerã usirio code ecoyijarã. ñnare queno yibisijarã gãjerã. ³⁸ ña ñaro queno buja masimenati yucu manojũ, ito yicõri gãta yucuri watoju gãni sãjayijarã ña. Gũta gojeriju, sita gojeriju cuni caniyijarã ña. Diore tuorũnũmena rãtoro queno yirã ñayijarã ña. Ito bajiri adi macãrucũro rãtoro quenari cuto ña ñatĩnarotiju meniyiju Dios ñnare yiari. ³⁹ ñre ña tuorũnũja ticõri, ñnare ti wanuyiju Dios. Adi sita ña ñaroca, “Ado bajiro muare ñsigũ yigũja yu”, Dios ñ yirere boca ãmibisijarã ña maji. ⁴⁰ Buto busa quenarise ñsirocũ ña yure ãmoyiju Dios. Dios quenarise ñ quenocãre mani rãca boca ãmirã yirãji ña cuni.

Jesure riti mani tuorũnũja quena, yire gaye

12 ¹ Itire mani tuoja, “Mani riojua gãna jãjarã Diore tuorũnũrã ñañi”, ya mani. Josari ñabojarocati Dios ñ ãmoro bajiro yiyijarã ña. ñnare tuoãrã, Dios ñ ãmoro bajiro yirũja manire cuni. Diore mani tuorũnũ ãmoroca gaje mani usirioro iti camotaja itire jidicãrũja manire. Mani ñeñaro yiroca tuoãa wisarisere cuni jidicãrũja manire. Josare ñabojarocati usiriomenati Dios ãmoro bajiro yirũja manire. Ado robojua baja. Sãgũ ñmaquediri masũ gãjerãre ñ rãtocũ ãmoja, rãcurisere cũcõgũ yigũji ñ. Ito bajiroti yirũja manire cuni. Diore mani tuorũnũroca gaje usirioro ñeñaro manire iti camotaja, itire jidicãrũja manire. ² Jesure buto tuoãrũja manire. Manire goda ñsicõri, ñti ñami mani tuorũnũroca yigũ. ñ godare gaye bojobiticõri, yucutõju tõbujayiju Jesús. “Yu tõbujaja bero buto busa wanugũ yigũja yu”, yicõri ñeñaro yirã ña godado bajiro godagu bojobisiju ñ. Mucana tãdi caticõri Dios ya riojocadũja rãcũbuoraju rujiyiju ñ. Adocãta cuni itoti rujiitĩnãguuji ñ.

³Mani bogaja mani oca sēobeja, manire Jesús ĩ goda ĩsire gayere tuoĭaruja manire. Ñeňaro yirã Jesure ĩna ti tudibojarocati ĩ tōbujaroca ĩna yibojarocati ñemecutiyyũ ĩ. Ito bajiri ĩre mani tuoĭaja, ñemecuti masirã yirãji mani cuni.

⁴Cristo ĩ tōbujado bajiro goroama tōbujabea mani. “Mũa ñeňaro yirisere jidicãña”, masare mani yibojarocati manire sĭabiticã ĩna. ⁵¿ĭ rĭa bajiro ñarãre, mũare ĩ goti quenore ãcabojati mũa? Ado bajiro gotiņi Dios ĩ oca tutina:

Yũ macũ, mũ masitoni yũ mũre gotirisere ti tebesa. Yũ mũre goti quenogare oca sēo jidicãbeja mũ.

⁶Yũ mairãre ĩnare oca quenocuja yũ. Ito yicōri yũ rĭa ñarãre ĩna tōbujaroca yigũja yũ, ĩna masitoni, yĩ gotiņi Dios ĩ oca tutina.

⁷Ito bajiri mũa tōbujaja ñemecutiba. ĩ rĭa mani ñajare ito bajiro yigũ yiguĩji ĩ.

Sĭgũ ruyabeto jacusabatia ĩna rĭare goti quenorãji ĩna masitoni. ⁸Dios cuni ĩ ñarã ñarocōreti goti quenoguĩji, ĩna queno yitoni. Mũare Dios ĩ goti quenobeja ĩ rĭa meje ñarãji mũa. ĩ rĭa meje mũa ñaja, gãji rĭa ñarãji mũa. ⁹Mani rĭaca ñaroca mani jacusabatia manire goti quenofi. Ito bajiro ĩna yijare ĩnare rŭcubuooyija mani. Ito bajiri mani Jacũ ũmacũju gagũre bũto bũsa rŭcubuoũrũja manire.

Ito bajiro mani yija catiñarã yirãji mani. ¹⁰Yoari mejeti ĩna ãmorocō manire riasofi mani jacusabatia. Dioama manire queno yirocũ sēoro riasogu yiguĩji.

ĩre bajiro mani queno yĩ ñatoni, ito bajiro yami ĩ. ¹¹Mani tōbujaroca Dios ĩ yija, queno wanmenaji mani. Manire juniro yiroja iti. Mani tōbujarisena suoriti mani riasotija, queno yirãji mani. Ito yicōri oca mano queno ñarã yirãji mani.

Dios ocare mani tuorũnubeja guijorise ña, yire gaye

¹²Ito bajiri tōbujabojarãti oca sēoma mũa. Diore tuorũnu jidicãbeja mũa. ¹³Dios ĩ ãmoro bajiro yirona queno tuoĭama mũa. Mũa baba mesare Diore masisũorãre queno ejabuaya. ĩnare mũa ejabuaja bũto bũsa Diore tuorũnu oca sēorã yirãji ĩna. Ito yicōri Dios ĩ ãmoro bajiro yirã yirãji ĩna.

¹⁴Gãjerã rãca queno oca mano corocō ñama mũa. Mani Uju queno ĩ yiado bajiroti queno yĩ ñama mũa cuni. Mani Uju Dios ĩ queno yĩ ñado bajiro yirã riti ĩ tũ ejarã yirãji mani. ¹⁵Mũare Dios ĩ ĩsrotire boca ãmirona sĭgũ ruyabeto gãmeri mũa ejabuaja quena. Sĭgũ mũa rãca gagũ ñeňaro ĩ yija, gãjerãre ñeňogũ yiguĩji ĩocũ. Ote quenarise wato widirise iti judija, biaro yiroja iti. Ito yicōri sĭaro yiroja. Ito bajiro bajigũ ñami ĩocũ, gãjerãre ñeňogũ. ¹⁶Mũa manoyo cutiroto riojua cuni romiare ajebeja. Ito yicōri Dios jeyaro ĩ yire gayere ti tebesa. Esaũ ñayoru ñaņi itire ti tudirũ. Esaũ ba ãmogũ ado bajiro yiyju ĩ ocabajire: “Yũre mũ ecaja, mũ ñagũ yigũja, ‘Yũ macũ ñasũogu yũ maigũ’, cuni ĩ yirũ”, yiyju Esaũ ĩ ocabajire. ¹⁷Ito bajiri ĩ jacũ ĩ godaroto riojua, “Ado bajiro queno yigũ yiguĩji Dios mũre”, jacũ ĩ yire gaye tũo ãmobjarocati gotibisiju jacũ Esaũre. ĩ ocabajũare ito bajiro queno gotiyju ĩna jacũ. “Queno yibiticũ yũ”, yĩ tuoĭa otiyju Esaũ ñayoru. Ito bajibojarocati jacũ ĩ gotigoja bero ñajare, no robojua ĩ gotigore wasoa masibisiju Esaũ ñayoru.

¹⁸Diore mũa rŭcubuoja, Israel sita gãna ñayonare bajiro meje ya mũa adocãta. Gũtagũ Moisésre Dios ĩ rotire ĩ ĩsiragu judoju ejayjarã ĩna, Diore

rũcũbuorona. Itoju ejacõri guijorise tiyijarã ãna. Iti gãtagũ buto ãjuyiju. Ide bueri buto iti ñajare, buto rãitãyiju. Ito yicõri mino buto wẽayiju. ¹⁹Ito yicõri trompeta iti ruyuja tuoyijarã ãna. Ito yicõri Dios ñnare ã busirise ruyuyiju. Guijorise oca iti ruyuja tuocõri, ã busi jidicãre ãmoyijarã ãna. ²⁰Gũirã ñemecuti masibisijarã ãna. Ado bajiro ã rotirise ruyuyiju: “Sĩgũ masũ, waibucũ cuni gãtagũre ã cõjoa, gãtagãrina rea siãcõruja ãocũre”, yire oca ruyuyiju. ²¹Buto guijorise iti ñajare, Moissẽs cuni ado bajiro yiyiju: “Iti guijojare nũruoa yũ”, yiyiju Moissẽs.

²²Gajero bajirojua baja adocãta Diore mua rũcũbuoja. Mani ñicusabatia ñayoanare bajiro guijoro tõbũjabea mua adi rãmũri gãnama. Dios catitĩngũ tũju ejacõri busirã bajiro Diore busia mua adi rãmũri. Ì cutoju ãmacũju Jerusalãn wame cutiri cuto ña. Itoju Siõn wame cutiricu gãtagũ ñaroja. Itoju ejacõri busirã bajiro busia mua, Diore mua busija. Diore rũcũbuorona jãjarã ã ñarã minijua ñarãji. ²³Ito yicõri ã ñarã ãre rũcũbuorona minijua ñarãji itoju. Itoju ã ñarã wame wõni Dios. Itoju ãna rãca minijua ñarãre bajiro Diore busia mua adocãta. Masa jeyarore bese masigũre busirã ña mua adocãta. Itoju ñarãji queno yigoana. Ito bajiri, “Mua ñama seti mana”, yigũiji Dios ñnare. ãna rãca ñacõri Diore busirã bajiro busia mua. ²⁴Mua ña Jesure masirã. Ì ñami mame oca quenoru. Mua ña, “Yũ ñeñaro yirisere mũ ya rĩna yũre coeya”, yiana. Abel ñayoru ya rĩre mani tũoĩaja, “Ì rĩjoru ãre siãyiju”, yĩ tũoĩa mani. Jesũs ya rĩre mani tũoĩaja, “Ì ya rĩna suoriti mani ñeñaro yirisere ãcabojoñi Dios”, yĩ tũoĩa mani.

²⁵Ito bajiri Dios manire ã busija, queno tuorũnũruja manire. Ito yicõri ã gotiro bajiro cudija quena manire. Moissẽs ñayoru adi sita gagũ Dios ã rotirise masare ã goti ãmobjaja, ãre cudibisijarã ãna. Ito bajiri ãna tõbũjaroca yiyiju Dios ñnare. Jesuama ãmacũju wadicõri manire oca quenarise ãmi wadiñi. ãre mani tuorũnũbeja, Moissẽs ñayoru tuorũnũbitiana rẽtoro tõbũjarã yirãji mani. ²⁶Jane mejeju mani ñicusabatiare ã busija sita ueroca yiyiju Dios. Mũcana ado bajiro gotiami Dios ã oca tutina: “Mũcana tũdi iti ueroca yũ yija, sita riti ueroca yibicuja yũ. ãmacũju cuni ueroca yigu yigũja yũ”, yĩ gotiami Dios ã oca tutina. ²⁷“Ito bajiro, bajiro yiroja”, Dios ã yija, “Ija bajiroti gayere busiami Dios”, yĩ tũoĩa mani. Adi macãrucãro gaye jeyaro ã rujeore ruyuriogu yigũiji ã. Ito bajibojarocati mani ya uũsi, mani tũoĩarise, ito yicõri mani catitĩnarotijũre ruyuriobicũ yigũiji Dios. ²⁸⁻²⁹Dios ã rotiroju mani catitĩnarotiju jediroto meje ñaroja. Itire masicõri, “Queno ya Dios mũ”, yirũja manire. Ito yicõri ãre tuo gãirã ãre rũcũbuorũja manire. Yiro bajiro cudirũja manire ã wanũtoni. Jeame iti ãju ruyurioro bajiro guijoro ruyuriogu yigũiji Dios, ãre cudimenare. Ito bajiri ã ãmoro bajiro cudicõri ãre rũcũbuorũja manire.

Gãjerãre mani maija ticõri, manire wanũgũ yigũiji Dios, yire gaye

13 ¹Jesure tuorũnũrã ñari, siũgũ rĩare bajiro mua gãmeri ti mairisere jidicãbeja mua. ²Mua tu gãjerã Jesure masirã ãna ejaja, wanũre rãca ñnare boca ãmiña. “Ángel mesa ñarãji ãna”, yĩ tũoĩabitibojarãti ñnare

boca ãmiñi gãjerã. Mũa masibiti rumu mũa tu cuni ángel mesa ejarã yirãji gajea. Ito bajiri mũa tu ejarãre wanũre rãca boca ãmija quena.

³Gãjerã Jesure masirã tubiara wiju ñarãre ãcabojabesa. Ñna rãca tubiara wiju ñarã bajiro, ñnare tuo maiña mũa. Gãjerã ñeñaro tũbũjarãre mũa tuoñaja, ñna rãca ñeñaro tũbũjarã bajiro, ñnare tuo maiña mũa. Mũare cuni ruju ña. Ito bajiri ñeñaro tũbũjarãona ña mũa cuni.

⁴Manojo cutirã gãmeri rũcũbuoya. Manojo cutirã gãjerã rãca ajebesa. Manojo mana gãjerãre ñna ajeja, ito yicõri manojo cutirã cuni ñna ajeja, ñna tũbũjaroca yigu yiguñi Dios ñnare.

⁵Niyerure buto tuo maibesa mũa. Mũa rucorocõacãti wanũña mũa. Dios ñ gotigore tuoña mũa. Ado bajiro gotiñi ñ: “Mũare jidicãbicuja yũ. Ito yicõri mũare wagobicuja yũ”, yì gotiñi Dios ñ oca tutina. ⁶Itire tuocõri, wanũre rãca ado bajiro ya mani:

Dios yũ Ñju, ñti ñami yũre ejabuagu. Ito bajiri gãjerã ñeñaro yũre ñna yì ãmobjaja cuni, ñe guijobea yũre, ya mani, Diore tuorũncõri.

⁷Cajero Dios oca mũare riasoanare ãcabojabesa. Diore tuorũnrã ñari, ñna queno yigore gaye tuoña mũa. Diore queno ñna tuorũnrõ bajiroti mũa cuni queno Diore tuorũnuña.

⁸Jesucristo ñami tuoña wasoabicũ. Cojire bajiro queno yitĩnãgũ ñami ñ. Iti rumu ñ ñado bajiroti adi rumu cuni, ñja cuni ito bajiro riti ñatĩnãgũ yiguñi ñ.

⁹Gãjerã mũare ricati ñna riasoja, ito yicõri ruore oca ñna riasoja, queno ñnare tuorũnubeja mũa. Ñnare mũa tuorũnuja, Jesús ocare jidicãrã yirãji mũa. Ado bajiro gotibojama coriarã: “Rẽore gayere mũa babeja, mũa ya usina queno tuoñarã yirãji mũa”, yibojama coriarã. Iti ocare tuorũnubojarãre queno ejabisija ñna tuoñabojarise. Ito bajiri iti gaye ñna riasobojaja, tuorũnubeja mũa. Dios ñ queno yire gaye mani tuoñaja, mani ya usina queno usi cutirã yirãji mani. Manire ti maicõri mani ya usiju mani oca seõroca yami Dios.

¹⁰Manire masorocũ manire yiari goda ñsiñi Cristo. No bucũ oca cudi ãmogũ, “Waibucũ ri Diore yũ soe ñsija, yũre masogũ yiguñi Dios”, yì tuoñabojagure masobiquñi Dios. Ito bajiro tuoñani paia bucũrã iti rumu gãna. ¹¹Bucũ oca cudirocũ, ado bajiro yiyiju paia ñju. Masa ñna ñeñaro yirise waja yigu Dios ñ ñasari sõaju sõjacõri waibucũ rí wẽjabateyiju ñ. Waibucũ rujureama cuto sõjua soeyijarã ñna. ¹²Ito bajiroti Jerusalén wame cutiri cuto sõjua Cristore sõayijarã ñna. Mani ñeñaro yiriserẽ waja yigu, ñ ya rina waja yì ñsiyiju ñ. ¹³Adi macãrucũro gãna ñna tuoñarise bajiro tuoñamenati mani Jesure sũyarãma ricati bajiro tuoñarã yirãji mani. Jesucristore ñna aja tudiado bajiroti manire ñna aja tudibojarocati Jesucristore rũcũbuoana mani. ¹⁴Adi sita mani ñaja queno cuto mana bajiro bajirã ñna mani. Cuto manare bajiro ñna ucurã ya mani. Adi tuti gaye cutori ñabojarise jediro yiroja. Ñja Jesús ñ ñarõju catitĩñarã yirãji mani. ¹⁵Mani ñeñaro yirise waja Jesucristo ñ waja yire ñajare, wanũre rãca Diore rũcũbuotĩnaruja manire. Dios ñ wanũtoni waibucũrã soe ñsimena yirãji mani. Manire wanũjaro yirona, mani ya risena ñre rũcũbuorã yirãji mani. “Mũ sigũti

ña rêtoro quenagũ. Mũ sīgũti ña gua Ʋjũ”, Diore yi rũcũbuorã yirãji mani.

¹⁶Gãjerãre queno yire gayere jidicãbeja mua. Ito yicõri mua rucorise gãjerãre batoba. Ito bajiro mani yija ticõri, itire wanũgũ yigũji Dios.

¹⁷Mũare Jesucristo oca riasoanare rũcũbuoba. Ito yicõri ña rotiro bajiroti cudiba mua. Cristore mua tuorũnutĩñatoni mũare tirũnũronare ñnare cũni Dios. “¿No bajiro tirũnũri mua, yũ ñarãre?” yi seniãagũ yigũji Dios ñnare. Ña yiro bajiroti cudiba mua. Ito bajiro mua yija ti wanũcõri, bojori bujamenati mũare tirũnũrã yirãji ña. Ñnare mua cudibeja, Dios tiro riojo bojori bujarã yirãji mua.

¹⁸Ñeñaro yũ yibejare, yũ tuoĩarise quena ña yũre. Ito bajiri ñeñaro yi ãmobeja yũ. Quenarise yũ yitoni, yũre yiari Diore seni isiña mua. ¹⁹Yũre yiari bũto Diore mua busire ãmoa yũ. Yoari mejeti mũcana mua tũ yũ tũdi ejaroca Dios ĩ yitoni, ĩre busiya mua.

Mũare queno yijaro Dios, yisũsare gaye

²⁰Sīgũ ovejare tirũnũgũre bajiro, manire queno tirũnũami mani Ʋjũ Jesucristo. Manire yiari oca quenocãni Jesucristo, Dios rãca. ĩ ya rĩna mani ñeñaro yirise waja, waja yi isiñi Jesús. ĩ godabojarocati mũcana tũdi ĩ catiroca yĩni Dios ĩre. ²¹Dios mani oca mano queno ñaroca yigure, mũare yiari ĩre busia yũ. Quenarise riti mua yitoni, ĩre senia yũ. Ito yicõri ĩ ãmoro bajiro mua yitoni, ĩre senia yũ. “Jesucristona sũoriti mua jeyaro queno ya yũre”, Dios ĩ yi wanũtoni, ĩre senia yũ. “Ĩti ñami rêtoro ñasagũ”, yi wanũcõri, Jesucristore rũcũbuotĩñarũja manire.

²²Jabetoti mũare papera uca yũ. Ito bajiri yũ mũare goti quenorise usiriomenati tiba yũ ñarã mua. ²³“Mani yagũ Timoteo tubiara wi meje ñami ĩja”, yire oca tuocõri gotia yũ. Yoari mejeti ĩ ejaja, ĩre ãmi wacũ yigũja yũ, mua tũ wacũ.

²⁴Mũare riasori masa, “Quenajaro”, ito yicõri Jesucristore tuorũnũrã cũni. Ado Italia gãna, “Quenajaro”, yama mũare.

²⁵Mũa jeyarore queno yijaro Dios. Itocõ ña.